



08757

宋四六話

南昌彭元瑞芸栢定本



卷十

賦檄露布列設論

五代之際天下剖裂太祖應運雖則下西川平嶺表收
江南而吳越荆閩納籍歸覲然猶有河東未殄其後太
宗再駕乃始克之海內自此一統故因御試進士乃以
六合為家為賦題時進士王世則遽進賦曰構盡乾坤
作我之龍樓鳳閣開窮日月為君之玉戶金關帝覽之
大悅遂擢為第一人 吳處厚青箱雜記

宋四六話卷十

一 海山仙館叢書

咸平中翰林李昌武宗諤初知制誥至西掖追故事獨
無紫薇自別墅移植聞令庭中者院老吏相傳猶是昌
武手植晏元獻寫賦於壁曰得自羊野來從召園有昔
日之絳老無當時之仲文觀茂悅以懷舊指薇蒂以思
人 湘山野錄

咸平五年南省試進士有教無類賦王沂公為第一賦
盛行於世其警句有云神龍異稟猶嗜欲之可求纖草
何知尚薰蕕而相假 歸田錄

真崇好文雖以文辭取士然必視其器識每御崇政殿

賜進士及第必召其高第三四人並列於庭更察其形
神磊落者賜第一人及第或取其所試文辭有理趣者
徐奭鑄鼎象物賦云足惟下正詎聞公餽之傾歌鉉乃
上居實取王臣之威重遂置第一蔡齊置器賦云安天
下于覆盂其功可大亦冠多士

歸田錄

王沂公有物混成賦云不縮不盈賦象寧窮于廣狹匪
彫匪斲流形固滯于盈虛則宰相陶鈞運用之意已見
于此賦矣又云得我之小者散而爲草木得我之大者
聚而爲山川則宰相擇任羣才使小大各得其所又見

宋四六話卷十

二
海山仙館叢書

於此賦矣

青箱雜記

晏元獻爲參知政事仁宗親政與同列皆罷知亳州先
有摘其爲章懿太后墓誌不言帝所生以自結者然亦
不免俱去一日游渦水見蛙有躍而登木捕蟬者旣得
之口不能容乃相與墜地遂作蝸蛙賦畧云匿藁質以
潛進跳輕軀而猛噬雖多口以連獲終扼吭而弗制歐
陽文忠滁州之貶作憎蠅賦晚以濮廟事亦厭言者屢
困不已又作憎蚊賦蘇子瞻揚州題詩之謗作黠鼠賦
皆不能無芥蒂於中而發於言欲茹之不可故惟知道

者爲能忘心

避暑餘話

夏文莊公竦幼負才藻超邁不羣時年十二有試公以放宮人賦者公援筆立成文不加點其畧曰降鳳詔于丹陛出蛾眉于六宮夜雨未回儼髮雲于簾戶秋風漸曉失釵燕于房櫳又曰莫不喜極如夢心搖若驚踟躕而玉趾無力眊眊而橫波漸傾鸞鑑重開已有歸鴻之勢鳳笙將罷皆爲別鶴之聲于時銀箭初殘瓊宮乍曉星眸爭別于天仗蓮臉競辭于庭沼行分而掖路深沉步緩而回廊繚繞嫦娥偷藥幾年而不出蟾宮遼鶴思

宋四六話卷十

三

海山仙館叢書

家一旦而卻歸華表

青箱雜記

宋苕公兄弟平時分題課賦苕公多屈于子京及作鷲鳥不雙賦則子京去兄遠甚苕公遂擅場賦曰天地始肅我則振羽而獨來燕鳥焉知我則凌雲之自致又曰將翔將翔詎比海鷗之翼自南自北若專霜隼之誅則公之特立獨行魁多士登元宰亦見于此賦矣

青箱雜記

宋苕公殿試德車結旌賦第二韻當押結字偶忘之考試官奏過得旨因得在數以魁天下其後謝主文啟云軒天波浪之中舟人忘楫動地鼓聲之下戰士遺弓益

敘此也故今三元衡鑿賦載此賦無結字

能以齋漫錄

范文正公作金在鎔賦云倘令區別妍媸願爲軒鑑若使削平禍亂請就干將則公負將相器業文武全才亦見于此賦矣公文爲水車賦其末云方今聖人在上五日一風十日一雨則斯車也吾不敢取意謂水車惟施于旱歲歲不早則無所施則公之用舍進退亦見于此賦矣蓋公在寶元康定間遇邊鄙震聳則驟加進擢及後宴靜則置而不用斯亦與水車何異

青箱雜記

鄭獬毅夫皇祐進士廷試圖邱象天賦時獬與滕甫俱

宋四六話卷十

四 海山仙館叢書

有場屋聲甫賦首曰大禮必簡圖邱自然自謂人莫能及獬但倒一字曰禮大必簡邱圖自然甫聞之大服果居其次云

陳振孫直學書錄解題

嘉祐中士人劉幾累爲國學第一人驟爲怪險之語學者翕然效之遂成風俗歐陽公深惡之會公主文決意痛懲凡爲新文者一切棄黜時體爲之一變歐陽之力也有一舉人論曰天地軋萬物茁聖人發公曰此必劉幾也戲續之曰秀才刺試官刷乃以大朱筆橫抹之自首至尾謂之紅勒帛判大紙繆字榜之既而果幾也復

數年公爲御試考官而幾在庭公曰除惡務本今必痛斥輕薄子以除文章之害有一士人論曰主上收精藏明于冕旒之下公曰吾已得劉幾矣旣黜乃吳人蕭復也是時試堯舜性之賦有曰故得靜而延年獨高五帝之壽動而有勇形爲四罪之誅公大稱賞擢爲第一人及唱名乃劉輝人有識之者曰此劉幾也易名矣

夢溪筆談

林文節連爲開封府南廟第一廷試皆屬以魁選仁宗亦遣近璫伺其程文畢先進呈時試民監賦破題云天監不遠民心可知比至上前一近侍旁觀忽吐舌蓋惡

宋四六話卷十

五

海山仙館叢書

其語忌也仁宗由是不樂亟付考官依格考校考官之意不欲置之上等入第三甲而得章子平卷子破題云運啟元聖天臨兆民上幸詳定幕次卽以進呈上曰此祖宗之事朕何足以當之遂擢爲第一

石林燕語

學林云皇祐中京師試止戈爲武賦張弼首選頗以此賦馳名第七韻曰亦猶日並月以爲明紀天之象王居門而日閔重歲之餘今案字書明從囧不從日賦誤用之害理之甚以上皆學林語予案說文明字有二其一從囧其一從日皆可而學林乃謂從日者爲害理殊可

一笑雲谷雜記

詞人卽事睹景懷古思舊感慨悲吟情不能已今舉其最工者如東坡昆陽城賦橫門豁以四達故道宛其未改彼野人之何知方樞僕而畦菜葢人已逝而迹猶存迹雖存而景隨變古今詞云語言百出究其意趣大槩不越諸此吳子良林下偶談

東坡贈趙德麟秋陽賦云生於不土之里而詠無言之詩葢寓時字也老學庵筆記

豫章先生休亭賦其卒章云葢嘗聞伯夷之風何能問

宋四六話卷十

六海山仙館叢書

詹生之卜洪駒父云晚刊定云是謂不著而筮從無龜而卜吉云能改齋漫錄

王禹玉年二十許就揚州秋解試瑚璉賦韻端木賜爲宗廟之器場中多第二韻用木字云惟彼聖人粵有端木禹玉獨於第六韻用之上晞顏氏願爲可鑄之金不笑宰予恥作不雕之木則其奇巧亦異矣哉馬永卿嬾真子
紹興初省闈試兼聽盡天下之美賦魁卷第六韻云三千同德誰云大武之有慙四七合謀孰謂申興之未盡美則美矣惜有慙二字乃成湯非武王也左傳季札觀

周樂見舞大武者曰美哉周之盛也其若此乎見舞韶
獲者曰聖人之宏也而猶有慚德聖人之難也札言蓋
本書仲虺之誥得來有慚二字豈可借用養牖間評

紹興間黃公度榜第三人陳修福州人解試四海想中
興之美賦第五韻隔對云葱嶺金堤不日復廣輪之士
泰山玉牒何時清封禪之塵時諸郡試卷多經御覽高
宗親書此聯於幅紙粘之殿壁及唱名玉音云卿便是
陳修吟誦此聯淒然出涕問卿年幾何對曰臣年七十
三問卿有幾子對曰臣尙未娶乃詔出內人施氏嫁之

宋四六話卷十

七
海山仙館叢書

年三十賞奩甚厚時人戲爲之語曰新人若問郎年紀
五十年前二十三其年第五人方翥興化人解試中興
日月可冀賦一聯云佇觀僚屬復光司隸之儀忍死須
臾咸泣山東之淚亦經御覽親筆錄記唱名曰特命加

一食鶴林玉露

安鴻漸有清才秋賦警句曰陳王閣上生幾點之清苔

謝客門前染一溪之寒水湘山野錄

阜陵在位上庠月書前列試卷時經御覽辛丑大旱七
月私試憫雨有志乎民賦魁劉大譽第六韻云雨暘固

自於天感召豈有所主倘調變得人則斯可有節而聚斂無度則亦能不雨此或未明閔之何補不見商霖未作相傳說於高宗漢旱欲蘇烹桑羊於孝武未幾趙溫

叔罷相

齊東野語

阮思道子昌齡醜陋吃訥聰明絕人年十七入海州試海不揚波賦卽席一筆而成文不加點其警句云收碣石之宿霧斂蒼梧之夕雲八月靈槎泛寒光而靜去三

山神闕湛清影以遙連

四六話

從兄少虛試聖人肆筆成書賦薛叔雲元鼎魁文固佳

宋四六話卷十

八

海山仙館叢書

而兄之賦云元聖有作斯文在茲惟得書之體也故肆筆以成之兄自少習書未嘗作賦時方兼經一出而爭誦之 攻媿集

曩者吳叔經鄧在湖南漕試以本經詩義取解魁次名陳尹賦文帝前席賈生破題云文帝好問賈生力陳忘其勢之前席重所言之過人叔經先生改勢字作分字陳大欽服內有打花格云金蓮燭煥煌煌漢天子之儀玉漏聲沉纏纏洛陽人之語試官已喜此一聯又陳季陸在福州考校出皇極統三德五事賦魁者破題云極

有所會理無或遺統三德與五事貫一中于百爲季陸先生極喜闢初兩句只嫌四句不是貫百爲于一中似乎倒置改貫字作寓字較有意思

俞成螢雪雜說

吳處厚常作剪刀賦第五隔對去爪爲犧救湯王之旱歲斷髮燒藥活唐帝之功臣當時屢竄易唐帝上一字不妥帖因看游鱗頓悟活字不覺手舞足蹈

螢雪雜說

昔有士人在場屋間賦帝王之道出萬全絕無故實遂問一老先生答云只有一舉空朔庭三箭定天山好使要在人幹旋爾或謂此事乃人臣非帝王也不可用疑

宋四六話卷十

九

海山仙館叢書

誑之後于程文中見一舉人使得最妙其說題目甚透有曰一舉朔庭空寶憲受成于漢室三箭天山定薛侯稟命于唐宗真所謂九轉丹砂點鐵成金者也

螢雪雜說

陳元裕嘗主文衡出大椿八千歲爲春秋賦滿場破題皆閣筆焉遂自作云物數有極椿齡獨長以歲歷八千之久成春秋二序之常又見蔡曼卿稱賞上舍熊元用節十四歲作君人成天地之化賦破云物產於地形成於天賴君人之有作成化工之未全二賦四柱皆出人意表真所謂作賦手也

螢雪叢說

往年上庠湯黃中試秋燕已如客詩破題近人方賀厦
如客已驚秋以厦對秋假一作權借用字也陳傅良作仲

秋教治兵賦破題雖諸夏之偃武必仲秋而治兵原其
所作皆有自來豈非得張喬月中桂之遺意耶所謂根
非生下土葉不墜秋風是也六吟八韻能於借對只得

一二警聯便自高人一著作者不可不知蟹雪叢說

往年俞文緯監試預薦赴省相過因話賦假人名善體
狀題意者莫若武爲救世砭劑云唐室中興賴藥師而
克濟漢家外患藉去病以皆除余嘗賦化下猶甄者欲

宋四六話卷十

十
海山仙館叢書

以陶唐堯舜爲一聯使於變時雍猶鈞埴埴風動四方
器不苦窳事也會與舍弟碩夫邁昆仲儕輩商量莫不
領畧此說蟹雪叢說

賀方回言學詩於前輩得八句云平澹不流於淺俗奇
古不流於怪癖題詠不窘於物象敘事不病於聲律此
興深者通物理用事工者如已出格見於成篇渾然不
可雋氣出於言外浩然不可屈盡心於此守而勿失請
借此以爲八韻之法苟妙達此旨始可言賦昔秦少游
賦郭子儀單騎見虜第四韻云茲蓋事方急則宜有異

謀軍旣孤則難拘常法遭彼虜之勁悍屬我師之用之較之力則理必敗露示以誠則意當親狎我得不徹衛四環去兵兩夾雖鋒無鏌鉞之銳而勢有太山之壓踞鞍以出若無擒虎之威失隊而驚如棄華元之甲押險韻而意全若此乃爲盡善凡八韻皆卽此可反三隅矣近歲效莆陽體者雖貴意全然疊字多而失之冗句法長而失之強此非善學柳下惠者也若解試省試尤貴得體切宜知之

示見編

高安解試由也升堂賦滿場皆苦其無故實林振體狀

宋四六話卷十

十一

海山仙館叢書

題意獨得活法只用孔門同時之事映帶其第六聯云攀麟附翼仰窺在寢之淵聞禮學詩下視過庭之鯉主文李先之朴撫案稱賞曰祇消此聯已見由也果果在堂上矣遂寘首選良齋先生謝尙書嘗云未第時試仁義天下之表制賦當時從游場屋者衆皆閣筆無以體表制者自作第四韻散句有曰民多拱極之星世絕駭輿輿之馬爲表制設也有學生會其姓者巧於移掇上添兩句云如天其大民皆拱極之星若路以由世絕駭輿之馬非特喚醒題目意透又以星襯仁天馬襯義路表

制在其中矣較有工夫乃占第一子次之作者不可不知
示見編

東坡有曰詩賦以一字見工拙誠哉是言嘗記前輩說
歐公柄文衡出堯舜性仁賦取劉焯天下第一首聯句
曰世陶極治之風雖稽於古內積安行之德蓋稟於天
劉來謁謝頗自矜公雖喜之而嫌其積字不是性爲改
作蘊劉頓駭服紹興己卯廬陵秋試大衍天地之樞賦
劉明老破題八字云法著大衍理關萬殊主司喜其關
字包盡題意取爲冠場有用該字者皆未綴其後太學
復出魁者亦不過用此八字郭昌明首冠宜春賦曰重
明麗正化天下第三隔云德增日日之新斯能凝命世
被風風之教孰不蒼然以風風對日日真不經人道語
也
示見編

凡用事須探究本文不可以虛對實如陳傅良漢蹕珮
爲樸賦云吏尙刻深弊見於乾封元鼎意多穿鑿機形
於五鳳黃龍按漢郊祀志武帝封泰山改元封元年明
年夏旱公孫卿曰黃帝時封則天旱乾封三年乃下詔
曰天意欲乾封乎乾音干則乾封非年號也以對五鳳

則爲偏矣

示兒編

如少游君臣相正國之肥賦第五韻云因知正主而御邪臣者難以存乎安強正臣而事邪主者不能浸乎明昌美聖時之會聚常直道以更相蓋上下交孚兮若從繩之糾畫故民俗阜蕃也常飽德以康強所以舜申后稷之忠民或饑而可救唐相韓休之鯁已雖瘠以何傷係中魁選有訟其重叠用韻遂殿舉朝自今後詩賦如押安強卽不得押康強矣蓋七陽韻中彊字亦作強故也

示兒編

宋四六話卷十

三
海山仙館叢書

林德頌珣賦文精義云如車攻宣王復古賦復字本獨音扶又反俗音伏熊淳押舊字云苟根本之謀在我素講則統緒之托指期可復皆本音也沈之萬押肅字云所嗟古制之久泯豈謂此詩之能復此用俗音也理當從經釋文是然恐主文用俗音故須上請予按經釋文車攻序復古復文皆無音唯復會獨音扶又反復古之復當音伏訓反也復會之復訓又也則此復古熊淳押去聲非是沈之萬押入聲乃是林德頌顧第弗深究也林又云如渾天儀字本音胡本反葉重開天行健賦云

爰有稚圭擬形容於轉轂故令平子妙制作於渾儀此
誤作平音用如姚鳳渾天義和之舊器賦云妙契洪造
器名渾天此是矣予稽諸揚雄傳大潭思渾天顏師古
音胡昆反揚子重黎篇或問渾天温公音胡本切則二
音皆得通押不可謂誤張教授炳在廬陵郡學出孟荀
羽翼六經賦羽有兩音上聲者五音之羽去聲者羽翼
之羽有上請者許押上聲乃是落韻

示兒編

初誠齋先生楊公考校湖南漕試同寮有取易義爲魁
先生見卷子上書盡字作仄必欲擯斥考官乃上庠人

宋四六話卷十

十四

海山仙館叢書

力爭不可先生云明日揭榜有喧傳以爲場屋取得箇
尺二秀才則吾輩將胡顏竟黜之廬陵出聖武爲天下
君賦小賦押君字隔句皆押羣韻而多寫作群當時有
數人作者賦甚工意必前列而竟不掛名後主文出院
與勸駕言及此甚嗟惜之且云十二文韻中無群字凡
如此寫者皆不敢取又出三代有道之長賦三字韻或
押殺函者並行黜落蓋函音誠見二十七咸其與三字
同韻乃函人唯恐傷人之函

胡南切

臨江軍出順天爲日

新之教賦教字韻效倣二字寫出効効不從文而從力

者並不取所謂顏魯公有干祿字卽此可知後之人凡書者不可不辯其畫押者不可不審其聲

示兒編

前輩作賦須看韻脚誠不易之論然近年主司亦有以韻脚誤人者如吉州出明哲通天地之心韻脚云三代貫通而無間者而所取不主禮刑三代有道之長韻脚云三代長久其故可知而所取乃專主教太子筠州出明主謹養其和以知本末源流之謂也爲韻而所取不主財貨乃知作賦須就題熟認不可參入外意必若太學出天子當陽韻脚云天子當陽照臨萬國則以陽字

宋四六話卷十

五
海山仙館叢書

爲太陽却不可不從

示兒編

孔子弟子琴張琴牢也子張乃姓顓孫名師紹興中太學試仁天之尊爵賦取第一人第二人皆以琴張爲子張第一人云琴張難與終懷干祿之疑第二人云笑琴張難與並爲徒懷干祿而試官與舉人皆不悟抑何鹵莽至此耶

饜牖閒評

李宗道春秋十賦屬對之工如越椒熊虎之狀弗殺必滅若敖伯石豺狼之聲非是莫喪羊舌王子爭囚而州犁上下伯輿合要而范宣左右魯昭之馬將爲橫衛懿

之鶴有乘軒于奚辭邑而衛人假之器晉侯請隧而宣
王與之田星已一終魯君之歲亥有二首絳老之年作
楚宮見襄公之欲楚效夷言知衛侯之死夷鷄憚犧而
斷其尾象有齒而焚其身虞不臘矣吳其沼乎好魯以
弓請謹守寶賜鄭以金盟無鑄兵蛇出泉臺聲姜薨鳥
鳴亳社伯姬死

困學紀聞

非刁匕是供膳宰舉席間之觶釋椎鑿而上輪人議堂
上之書此工執藝事以諫賦聯也

困學紀聞

黎逢石硯賦云琢而磨之其滑如砥欲研精而梁翰在

宋四六話卷十

去
海山仙館叢書

虛中而貯水水隨暈而環周墨游光而黛起明而未融
是以參用久而不渝故以爲美成器尙古徵闕里於素
王匠法增華參會稽之內史又云一拳之石取其堅一
勺之水取其淨又云對此大匠廁諸鴻筆見珍於殺青
之晨爲用於草元之日

無名氏研譜

程文斲雕爲樸賦第四韻結聯云圭磨嶽鎮歸璞玉以
全真疊去山雲表瓦罇而務德愚恐無此理鎮圭雲疊
古人制度非漢人所斲之雕且斲雕者史臣形容反樸

之意耳

黃震黃氏日鈔

彭晉叟福州侯官人亦有學文亦奇肄業京庠每試多居首選胡穎爲浙西憲政尙猛厲物情不安彭因僞作臺章以脅之有尼僧爲之表裏使以臺示之曰得之臺中行且上矣胡懼就致禱約以獲免當以數萬爲謝已而月課不及胡遂作臺長江古心書歷述所聞以謝之古心下京府名捕時正放堂試賦題出王言如絲彭爲首冠破題云王妙心緯言關化機於未布以先謹有如絲之至微揭曉之際彭已置理乃以次名代之獄成黥隸貴州久之宛轉自如得至靜江適當詔歲入貢闈爲

宋四六話卷十

七
海山仙館叢書

編欄遇都吏一子於場中口授三卷得預薦送吏深德之未有以報乃爲之謀曰經幹潘公謔汝鄉人也盍往歸之彭以呈面爲難又命之作劄吾當爲通潘見其辭藻粲然亟令來見深愛其才而革面無策爲之重數曰吾當思一策以處旣數日乃曰得其說矣使其戎服介之經帥府時姚橘洲希得領桂管因從容爲地且令修一儷函爲贄彭退思數日未能措詞乃往見潘求教潘爲之思有頃拊髀曰吾已得一聯矣曰失邯鄲之步爲吾黨羞借荊州之階以軍禮見使續成之且爲點定約

日導之以前橘洲庭見之彭趨入拜如儀乃以贄上橘洲觀之喜甚詳詢始末留之書院授以文選使分類之以觀其能否未幾書成橘洲益喜使諸子師之橘洲入爲文昌兼夕拜使與俱行繳駁之章多出其手復出入無間輒登市樓恣肆無忌爲人指目聞於當路於是逮治堙配押回元隸所橘洲亦以此去國

癸辛雜識

詞賦以對的而用事切當爲難張正素云慶厯末有試天子之堂九尺賦者或云成湯當陞而立不欠一分孔子厯階而升止餘六寸意用孟子曹交言成湯九尺史

宋四六話卷十

大
海山仙館叢書

記孔子九尺六寸事有二主司一以爲善一以爲不善爭久之不決至上章交訟傳者以爲笑若論文體固可笑若必言用賦取人則不可謂對偶不的而用事不切當也

避暑錄話

金朝律賦之弊不可言大定間諸公所作氣質渾厚學問深博猶可觀其後張承旨行簡知貢舉惟以格律痛繩之洗垢求瘢苛甚其一時士子趨學模題畫影至不成語言以是有甘泉甜水之喻文風寢衰故士林相傳但君題小賦必曰國欲圖治君當灼知隔句貼多用可

得而知四字故文人見一舉子必指曰又一可得而知者有人云聞一老師令席生作漢高祖斬白蛇賦席生小賦破題云蛇不難斬君當灼知師改曰不然不若國欲圖治君當斬蛇又令作鴻雁來賓賦曰秋旣云至雁當灼知此可以軒渠也

劉昫歸潛志

永昌陵卜吉司天監相地形勢謂太祖之後當再有天下靖康末趙子崧守陳州子崧先在郡中剽竊此說至是適二聖北狩與門人傅亮等歃血爲盟以倖非常傳檄有云藝祖造厯千齡而符景運皇天祐宋六葉而生

宋四六話卷十

五
海山仙館叢書

眇躬繼知高宗已濟大河惶懼歸命奉表勸進高宗羅致元帥幕亟欲大用會與大將辛道宗爭功宗得其檄文進之宥治得情高宗不欲暴其事以他罪竄子崧於嶺外

揮塵餘話

大兵渡江賈似道卽出檄書播告中外曰洪惟藝祖肇我邦家至于高宗爰宅吳會以仁守國以德配天未嘗行一不義殺一不辜可以質諸無疑證諸不悖理宗四十年忠厚之澤著于生民先帝十一載恭儉之心何負天下不念元溫羣從尙受卵翼之恩李陵一門初無

毫髮之損國家厄運一至于此人心忠義夫豈無之太
皇后七表之聖躬今天子孤憊之冲質在人情猶知恤
鄉鄰之老幼豈臣子忍坐視君父之阽危寧無邦國忠
臣亦有江湖豪傑其合唱義之旅載馳勤王之師如陶
士行慷慨之征申張魏公忠赤之志救日之弓救月之
矢便直指于旌旗如礪之山如帶之河尙永堅於盟誓
檄到諸路咸使聞知

宋無名氏三朝野史

德祐乙亥長江失守賈公開都督府移檄諸路罪狀諸
呂有曰元溫羣從竝受卵翼之恩李陵一門初無毫髮

宋四六話卷十

三
海山仙館叢書

之損用事極切不知誰筆或云參贊李尙書珏所草也
隱居
通議

世皇下江南檄枚舉賈似道無君之罪宋國臣民有不
誠服者歟其文曰宅中圖大天開一統之期自北而南
雷動六師之衆堪嗟此宋信任非人處之師相之尊委
以國柄之重世濟其惡真兇悖之賈充謀及乃心效姦
雄之曹操不學無識舞弊弄權誇游黃僅免其身比河
清莫大之績承君之寵如彼其專貪天之功確乎不拔
惜官爵以總寶貨苛條法以苦賢才奪土田而無地可

耕變闕會而物價騰踴藉鄙猥者伴食於廟堂任反側者失兵於邊徼恬視雷星之召異罔聞水火之降災滿朝皆其私人用將因其重賂用白札而破世守之法曲舟筆而容天討之刑民心已離而不知天命將革而未悟方且貪湖山之樂聚寶玉之珍弗顧母死奪制以貪榮乃乘君寵立幼而固位以己峻功碩德而自比於周公欺人寡婦孤兒反不如於石勒深懷禍慝自肆姦邪合正兩觀之誅可紓百姓之怒我大元皇帝聰明知睿神武慈仁焚香祝天誓莫殺而混海宇振兵畧地隨所向而宣皇威一戰乘勝而渡江諸將列降而獻土厥角稽首迎我前茅後實先聲易如破竹昭茲天順人信之助成我風行草偃之功合宇宙以清寧蘇人民而鎮撫恩寬幼主以下罪止元惡之身自今檄到應守令以境土投拜除大支犒賞外仍其官職謹檄較耕錄

翟公巽作擒賊露布曰不以賊遺君父已殄凶殘况克敵示子孫毋忘勲伐

辭學指南

露布起聯用事 電擊雷震瀚海飲冠軍之馬星流彗掃燕然勒車騎之銘奮義勇于龍荒紀鴻勳于麟閣厥

開昌會克對前休

東萊平薛延陀

辭學指南

露布起聯用散語

眾勝天而定勝人終歸助順直為

壯而曲為老烏可恃強自古以來斯理可考所以牧野

若林之眾罔敵有周昆陽彗雲之鋒亦殲于漢

東萊破符堅

辭學指南

露布未聯

臣等賴天之靈敵王所愾蠻荆率服初無

方叔之壯猷江漢既平行對先王之令問

周益公平淮西

臣

備數行間獻俘闕下左執律而右秉鉞願先周樂之容

東漸海而西被沙共紀禹功之盛

東萊平薛延陀

登灞岸而

宋四六話卷十

三

海山仙館叢書

望長安共興感慨封狼居而禪姑衍當效馳驅

平符堅辭學

指南

歐陽文忠公好推挽後學王向少時為三班奉職勾當

滁州一鎮時文忠守滁州有先生為學子不行束修自

往詣之學子閉門不接先生訟于向向判其牒曰禮聞

來學不聞往教先生既已自屈弟子寧不少高盍二物

以收威豈兩辭而造致先生不喜向判徑持牒以見歐

公公一閱大稱其才遂為之延譽獎進成就美名卒為

聞人 墨客揮犀

劉貢父作國子監直講英宗卽位久而車駕方出太學生除直日外並迎駕時有齋值日以不得預也乃潛出看駕旣而衆退以潛出之罪申直講難其辭貢父遽判其狀尾曰黃屋初出莫不咸觀青衿何爲乃獨塊處可特免罰衆以爲常

四六話

子瞻通判杭州嘗權領郡事新太守將至營妓投牒乞從良子瞻判曰五日涼兆判牒不難九尾野狐從良任便有妓者色藝爲一郡之魁聞判亦來投牒子瞻惜其去判云慕周南之化此意可嘉空冀北之羣所請不允

宋四六話卷十

三
海山仙館叢書

其善謔如此

志林

溫公家舊有一琉璃盞爲官奴所碎洛尹怒令糾錄聽溫公區處公判云玉爵弗揮典禮雖聞於往記彩雲易散過差宜恕於斯人

彥周詩話

廬山簡寂觀道士王告好學有文與星子令相善有邑豪修醮告當爲都工都工薄有施利一客道士自言衣紫當爲都工訟於星子云職位顛倒稱謂不便星子令封牒與告告乃判牒云客僧做寺主俗諺有云散衆奪都工教門無例雖紫衣與黃衣稍異奈本觀與別觀不

同非謂稱呼益利乎其中有物妄自尊顯豈所謂大道無名宜自退藏無抵刑憲告後歸貫登科爲健吏至祠部員外郎江南西路提點刑獄而卒

夢溪筆談

真文忠公爲江東轉運有民困於買鳩之役來訴公判云詔捕鳩鵠若水尙還其使歲貢蚶蛤孔戮猶疏于朝况爲州縣之官可恣口腹之欲

困學紀聞

士人有雙漸者善滑稽嘗爲縣令因入村治事夏暑憩一僧寺中方入門主僧半酣矣因前曰長官可同飲三杯否漸怒其容易叱去而此僧猶不已曰偶有少佳酒

宋四六話卷十

三

海山仙館叢書

同飲三杯何如漸發怒令拽出去俄而屬吏漸亦就憩至晚吏呈案漸乃判云談何容易邀下官同飲三杯禮尙往來請上座獨喫入棒竟笞遣之

張耒明道雜記

李公甫謁真西山丐詞科文字西山留之小飲書房指竹夫人爲題曰蘄春縣君祝氏可封衛國夫人公甫援筆立成末聯云於戲保抱攜持朕不忘五夜之寢展轉反側爾尙形四方之風西山擊節蓋八字用詩書全語皆婦人事而形四方之風又見竹夫人玲瓏之意其中頌德云常居大廈之間多爲涼德之助剖心析肝陳數

條之風刺自頂至踵無一節之瑕疵

鶴林玉露

擬銀青光祿大夫提舉醴泉觀田萬頃加食邑實封制
曰建列燾以分封載嚴維翰奄金淮而作牧兼重留屯
疇茲銀信之庸瞻爾琳邊之處控斯干而衛社隆使指
以旌奮允熟輿言誕敷大號銀青光祿大夫提舉醴泉
觀田萬頃苗而肯播公以忘私退睦鄉閭有同井相友
之義進陪卿伯爲立極經野之謀其至枕則忠乎君其
實意則近乎古頃以仁政之潤澤推爲太平之紀綱貢
助徹皆便於民不奢不儉租庸調悉寬其法欲逸欲安

宋四六話卷十

五
海山仙館叢書

持界限以素嚴立經制而益謹無甚富甚貧之弊見謂
平均縱近臣近親之家莫敢踰越方坐致幽原之化乃
祈歸堯壤之耕亟示勉留爰加優渥品特升于華戟廩
爰賦於真官少酬在畝之懷終冀惠疇之用矧維揚之
重鎮實今日之要區未雨綢繆合謹本根之備及時閒
暇當爲兵食之圖顧惟禮耕義種之賢足副內修外攘
之志統綏疆場申畫郊圻省騎墾陸宜舉充國破羗之
策分兵關渭必循孔明定蜀之規以耒耜執戈殳以發
種行甲冑象耘沃野戰守有經蟻聚列營坐作聽命期

復恢于境土宜渙錫於山川是用陟防渚之齋旄開廣
陵之檠鉞兵事節度悉歸封履之中地利便宜盡入輿
圖之內仍申采錫庸顯恩崇於戲師整戎修徹土冀歌
於周雅馬騰士飽平淮宜上于唐勛往服朕言式永終
譽

胡錡耕祿藁

代田萬頃到任謝表云琳館養恬冀息邱園之駕瑀戈
疏寵誤分淮甸之弓籲天控避以弗兪跼地勉承而有
覩伏念臣量慚淺薄品特下中少事耦耕粗得帶經之
樂壯沾圭祿頗懷憂國之忠越內外以若疇辨總結而

宋四六話卷十

三
海山仙館叢書

定賦千夫萬夫之長愧匪其材九推五推之間備殫其
力乃上從盤之請欲陶擊壤之情忽授鉞以總師俾建
旄而專闡矧長淮之境土爲吾國之藩籬民賴懷生軍
資討實秉戈執耒宜爲足兵足食之思牧馬飯牛盍講
且戰且耕之政鞠旅而菑其芑出車而黍其華戍牛式
遣則無載饑之憂徒御式嚴則有峙糧之望預爲兩徹
之計可收日闢之功六月出師敢廢歌豳於七月夏官
董政尤當任甸於地官顧無圻畫之良規曷副蕃宣之
隆寄茲蓋恭遇皇帝陛下恢復疆宇整齊乾坤一成立

中興之基大披圖籍九井張太平之紀丕混車書內將
拓梁山奕奕之區外欲歸齊國章章之士知臣粗能積
穀故使備邊察臣稍熟分耕故資治塞庚癸政需於飽
餉戊己宜增於鉅屯臣敢不實壑實墉乃疆乃理三事
就緒勉修瀆浦之戎萬年提休願報土田之德

耕祿藁

擬常熟縣開國侯穀實進封常熟縣開國公加食邑實
封制曰慶有年而介福久疏分井之封播攷績以陟明
爰進植圭之秩乃睠奏艱之惠載推報本之恩允穆師
言誕揚渙號常熟縣開國侯穀實學深種植仁熟滋培

宋四六話卷十

三

海山仙館叢書

一日無食則饑司民之命三代處農而教爲道之原其
和足召陰陽之和其貴能賤金玉之貴幽歌始播婦媿
畝以勤勞魯頌于尊牧在垆而蕃碩行師則藉之挽粟
徹疆則資之峙糧持常平使者之權視時登損佐地官
司徒之職待國調頒疇庸旣課於屢書班祿宜先於增
賦乃刻名於鑠瑩乃彰用於竚彝爰卽侯疆就升公爵
於以重宅生之寄於以顯育教之庸於戲歲月日時無
易而用明朕已建九疇之範水火木金惟修而永賴爾
其敘萬世之功益厲後圖嗣有華寵

耕祿藁

擬隴西郡開國侯來牟進封關內侯加食邑實封制曰
登實祈春已課兩歧之最薦名告夏爰疏易地之封於
皇孔碩之英貽我奏膚之美穀差吉且穡布猷言隴西
郡開國侯來牟外叶坤黃內涵賁白載行於野懷大夫
君子之忠斯饗我農成先公風化之業將其來食迄用
康年滹沱對竈之時竟能濟業崆峒跨鞍之頃遂底師
休庸進績於農書復循忱於寢廟來咨來茹有在公助
祭之恭實好實堅相尊祖配天之道爰易隴西之舊壤
聿升關內之新畬於戲雨露肥穰之不齊爾旣勉修於
人事山川土田之大啟朕其加錫於侯功往服休恩勉
圖後效

耕祿藁

宋四六話卷十

三

海山仙館叢書

白生樂國而無鼠苗之感歷元都而有兔葵之思因問
俗於關中輒借階於陛下爰進仲舒之策勿令後時至
形武帝之憂詔其益種欲使畝畟眇庶之所皆有春登
夏實之資地方慮于不齊意敢希於所報詎期削木之

質遽躋沃壤之區茲蓋恭遇皇帝陛下德游祥雲政和
時雨五穀共衍藹永平膏沐之權多黍同登播元和天
錫之頌課吏奏漁陽之最談兵却新鄭之師以薦廟而
勸相農民以問價而選掄使者肆令穉植亦被播耰臣
敢不小大懷忠艱難成業誦原野南都之盛已幸富饒
歌宮室故國之虛尙祈警戒

耕祿藁

代車龍到任謝表職濫水衡何補禹疇之用光濡濕纒
誤叨漢漕之榮沐浴恩波滂沱感涕伏念臣材卑碌碌
量淺沾沾刊木而龍其驅粗竭放蕘之力防稻而渚其

宋四六話卷十

元

海山仙館叢書

畜僅殫掌澮之勞政慚俛仰以隨人所冀卷藏而束閣
川適逢於滌滌泉曷導於源源乃沾詔墨之鴉翻俾濯
篆文之龜坼流涇就燥泄北海以灌涯自下升高激西
江而救涸爰煦斗升之活以將輦駕之輸茲蓋恭遇皇
帝陛下德厚海涵道明川理見善莫禦其決化妙流通
從諫如轉諸圜迹無碍滯肆令猥瑣亦玷選掄臣敢不
胼足施功鞠躬盡瘁鑿渠引渭當溥沾涇下之田輓粟
飛芻願長富關中之廩

耕祿藁

代犂春到任謝表雨足周原方協夢魚之兆地分蜀壤

將還佩犢之風延見老農具宣聖澤伏念臣梓人傳之
矩獲鐵爐步之範模技雖厄于泥塗性獨耽于畝畝駢
其勿用犇爾來思給荊州之民無裨強本供柳中之士
何補增屯誤簡三推之知猥被一麾之寵載循漢陌共
理嘉陵率彼戍兵市結繪而田沃助其鄰里勞酒食以
疇良勉收破塊之功實藉起膏之賜力殫殫報祝汗
邪茲蓋恭遇皇帝陛下輝畜牯亨明離化吉引重致遠
教耒耨以變通綴紺服蔥接重轡而沛艾迺擇人而作
牧俾領使以勸耕臣敢不芻豆銜恩蒲鞭示化種匹萬

宋四六話卷十

三
海山仙館叢書

頭之益願廣租分耦五百兩之連尤思糧衛

耕稼藁

宋四六話卷十

終

宋四六話卷十終

宋四六話

南昌彭元瑞芸相定本

卷十一

祝文青詞道場疏開堂疏樂語上梁文

錢若水為學士撰祝辭其首云上帝之休惟眇躬是荷

下民之命惟明神所司上激賞其才美

黃鑑楊文公談苑

東坡手澤云元豐六年十一月二十七日天欲明數吏

持紙一幅其上題云祭春牛文余取筆疾書云三陽既

至庶草將興爰出土牛以戒農事衣被丹青之好本出

泥塗成毀須臾之間誰為喜愠吏微笑曰此兩句復當

宋四六話卷十一

一 海山仙館叢書

有怒者傍有一吏云不妨此是喚醒他盤洲祭勾芒神

文曰天子命我盡牧南海之民農人告余將有西疇之

事念銅虎謹班春之職出土牛示嗣歲之期此當是帥

廣時所作意雖與東坡不同而詞語瓌妙似上

四六餘話

東坡在翰林作擒鬼章奏告永裕陵祝文云大獮獲禽

必有指縱之自豐年多廩孰知耘耔之勞昔漢武命將

出師而呼韓來庭效於甘露憲宗勵精講武而河湟恢

復見于大中其意蓋以神宗有平虜氏之志至于元祐

乃克有成故告陵歸功謂武帝憲宗亦經營於初而績

效在二宣之世其用事精切如此

容齋五筆

太乙宮明禋祈晴設醮青詞云我將我享爰有事於明堂載禱載祈肅致忱于楚帝上自改爲上帝楚邦昌逆號也凡代王言不可不謹

隨隱漫錄

臨安淨慈寺後有望祭殿每歲寒食朝廷差官一員望祭西京諸陵差陞朝官讀祝版其詞云歲正仲春感載濡於雨露心馳西洛悵遐阻於山川恭惟某祖某宗靈鑒在天聖謨傳後秩上陵之典禮徒切望思菴寓祭之權宜愈深愴慕其禮用盤食茶湯三獻酒

鶴林玉露

宋四六話卷十一

二

海山仙館叢書

周輝至小孤山謁廟歸舟夜夢入廟如儀且口占祝文既覺但記浩若川流儻不葬於魚腹赫然廟貌尙可薦於豚蹄

清波雜志

王念二聖久被圍閉涕泗懷憂乃命官往祀嶽廟祈禱國祚無疆之福命耿延禧撰青詞曰伏以國逢災禱諒冥數之難逃神有威靈冀隆仁之垂佑念嘗艱棘遙發忱誠望峻極以傾心罄虔恭而歸命伏念宣和蠶弊失在於驕奢靖康鼎新方崇於勤儉乃登位之未幾忽勅兵之大來初通和好之情終肆貪殘之性今則金湯失

險社稷附危君父何辜橫羅憂辱生靈無罪大被誅鋤
係擄成羣去作他方之鬼逋逃徧地皆爲失業之民雖
幸免於刀兵亦必填於溝壑况乃刻深之巨禍發於隱
伏之姦謀不忍言揚空成涕隕措躬無地請命於神伏
望昭鑒俯臨靈慈下逮眷皇朝有積累之舊念嗣君無
侈汰之愆平時康樂之民率多良善中間智謀之士不
懈薰修家一概而死亡情詎勝於哀痛况今首尾已歷
冬春尙或交兵未罷願察么微之懇特垂救護之仁使
強鄰生知足之心不爲己甚畀趙宋以無疆之福復見

宋四六話卷十一

三
海山仙館叢書

太平

汪伯彥建炎中興日記

戴象麓代景獻邸生日青詞七月流火聿臨初度之期
五福錫民式邇中元之慶用延景御肅啟冲科伏念臣
世系麟宗恩榮鵠印自頂及踵罔非君父之仁以口語
心莫報乾坤之造永懷際遇敢迪齋期伏願昊極薄臨
寰區嘉靖文王本支百世休有烈光上帝鑒觀四方自
求伊祐惟忠惟孝不震不騰翰苑新書
王惟忠爲閬帥與余晦爲同里薄其爲人晦深銜之及
敗績棄城而走晦遂甘心焉旣申乞鑑降又令其黨陳

大方丁大全力攻之必欲置之死地遂與大獄或者以其罪不至死寃之後二年陳大方白晝有覩恐甚遂設醮以謝過青詞有云闖帥暴尸於都市幽魂銜怨於冥途蒞職柏臺盡出同僚之議並居梓里初無纖隙之疑未幾暴卒繼卽余晦患瘰癧繞項墮首而死可畏哉

雜志

唯室先生作追薦弟青詞有曰氣分父母孰如兄弟之親痛切肺肝無甚死生之隔人以此四句爲切當於理僕觀白樂天祭弟文有云親莫愛於弟兄別莫痛於死

宋四六話卷十一

海山仙館叢書

生唯室此言蓋樂天意耳

野客叢書

劉後村爲二姪追薦惠州弟青詞丹旒言旋陟岵痛十旬之隔赤章哀籲叩闈冀一念之通伏念臣等先父臣某奮自孤童安于拙宦補孝子循蘭陔之什久矣栖遲慕前賢守鬱林之風過于清苦凡今日寸地把茅之苟有皆平生節衣儉食之所營云胡夏鵬之妖莫起河魚之疾野丈之亭長在父老共悲善和之宅依然主人不返雨降露濡動輒悽愴水浮陸走幸無震驚輒伸人子之情敬采道家之說伏願回乾坤之大造鑿草土之微

忱逝者如斯夫欲承顏而永訣魂兮歸來只寧與魄以俱沉脫離陰幽周遊冲漠

翰苑新書

劉後村乙卯生日青詞采薪之憂命懸一瞬勿藥之喜

恩等再生假以餘齡仁哉洪造伏念臣某宦情已薄年

事寢高去國為農圃之歸罷祠絕庖廩之繼尚為病撓

可見身灾窮則呼天嘗呻吟而號痛齋可事帝果奮起

于沉綿不揆螻螻之微輒羞豺獭之報伏望神祇叶佑

星曜順行屏岐伯之書少停湯熨拜宏景之疏遂挂衣

冠翰苑新書

宋四六話卷十一

五 海山仙館叢書

天基節道觀滿散疏云九五福曰壽曰富適符垂祝之

三八千歲為春為秋長燕嵩呼之萬佛寺疏云圓天為

蓋而方地輿悉歸禹會大海運墨而須彌筆莫紀堯年

翰苑新書

謝雨疏云曰雨曰暘曰燠曰寒曰風曰時願調玉燭既

種既戒既方既阜既堅既好迄至金穰

翰苑新書

寶祐甲寅江東多虎有司行禳禳之典青詞末聯云雖

曰寅年之足或有數存去其乙字之威尚祈神力益古

詩有寅年足虎狼之句傳謂虎威如乙字對屬甚切

山房

隨筆

嘗記殿司薦陣亡疏畧曰虎頭食肉彼何人斯馬革裹
屍深負公等戰河南戰河北毋忘此日之精忠出山東
出山西再作明時之將相 陳隨隱漫筆

趙韓王疾夜夢甚惡使道流上章禳謝道流請章旨趙
王難言之從枕躍起索筆自草曰情關子母弟及自出
於人謀計協臣民子賢難違乎天意乃憑幽崇逞此強
陽瞰臣氣血之衰肆彼魔呵之厲倘合帝心誅既不誣
管蔡幸原臣死事堪永謝朱均云云密封令勿發向空

宋四六話卷十一

六 海山仙館叢書

焚之火正爇函而此章爲大風所掣吹墮朱雀門爲人
所得傳誦於時竟不起 楓窓小牘

丁晉公之南遷也行過潭州自作齋僧疏云補仲山之
袞雖曲盡於巧心和傳說之羹實難調於衆口 歸田錄

丞相濟陽公丁謂夢懶瓚師訓以覺悟之理及覺憶夢
之象坐一山庵中俾畫工圖之其年丁貶崖州司戶道
經潭州宿雲蓋山海會禪寺因縱步見一山庵厯厯如
昔日之夢訪彼僧則曰南岳懶瓚大明禪師庵嗟惋久
之遂捨白金五十兩建道場供千僧以答夢中之訓自

撰疏云伏以佛垂徧智道育羣生凡欲救於傾危必預
形於警戒謂白衣干祿叨冢宰之重權丹陛宣恩忝先
皇之優渥補仲山之袞曲盡一心和傳說之羹難調衆
口嘗於安寢忽夢清容妙訓泠泠俾塵心而早悟貞義
隱隱憾凡目以何知蓋以智昧周身事乖遠害旣禍臨
而不測或災及以非常黜向西京感皇恩而寬宥竄于
南裔當國憲以甘心咎實自貽孽非它作念一家之散
地思萬里以何歸旣爲負國之臣永已經邦之術程由
湘土道假靈山正當煩惱之身忽接清閑之衆方知富
貴難保始終直饒鼎食之榮豈若孟羹之美持形飯命
恭發精神捐捨白金充修淨供饒苾芻之高德報懶瓚
之深慈冀保此行乞無他患伏願天回南囑澤賜下臨
免至邊城白日便同于鬼趣得歸中夏黃泉亦感於聖
恩虔罄丹誠永繫法力

李暎該聞錄

賈秋壑德祐乙亥八月生日建醮詞語云老臣無罪何
衆議之不容上帝好生念死期之已迫適值垂弧之日
豫揚易簣之詞切念臣際遇三朝始終一節爲國任怨
但知存大體以杜私門遭時多艱安敢顧微軀而思末

路屬叛臣之犯順率悍將以徂征用命不前致成酷禍
惜無所用爲有後圖衆口皆詆其非百喙難明此謗四
十年勞瘁悔不及留侯之保身三千里流離猶恐置霍
光於赤族仰慚覆載俯愧劬勞伏願皇天后土之鑒臨
理考度宗之昭格時陳廖諸客皆已死豈似道所自爲
耶讀之雖可笑可哀其文自好

羅志仁姑蘇筆記

廖明畧正一爲四六甚工舊見爲安厚卿舉掛功德疏
云梁木其摧歎哲人之逝天堂若有須君子而登生也
有涯沒而不朽痛兩楹之夢奠地萬里之長城

四六談
塵

宋四六話卷十一

八

海山仙館叢書

張南軒寢疾微吟云舍瑟而作敢忘事上之忠鼓缶而
歌當盡愼終之禮疾革一朋友求教力疾謂之曰蟬蛻
人欲之私春融天理之妙

宋名臣言行錄

建州大中寺餘慶長老再開堂疏跋尾右疏先太師夔
所作也元祐中先公任松溪尉師住邑之中峯寺語道
相契數以手帖往還時呂參政謫居建安嘗詢衲僧中
可與語者先公以師對呂乃請往大中寺一日約先公
同遊武夷山及歸師已遷化方其示寂升堂集衆告辭
跣趺而逝經一晝夜顏色不變呂公泣涕痛悔恨未嘗

款叩師之關鍵先公謂師平日所得奇特盍歸誠祈懇
倘能復來呂公焚香再拜以小磬就師耳根擊之師忽
開目笑曰已相別何必爾爲公當再留七日遂下坐復
居方丈呂公咨問道要且請師再開堂以疏文屬先公
撰述其間有維摩示疾而莫匪爲人阿難辭世而重來
說法之語蓋紀實也旣七日再升堂而化呂公爲作碑
且載本末置寺中

李忠定公集

東坡鎮維揚幕下皆奇豪一日石塔長老遣侍者投牒
求解院東坡問長老欲何往對曰歸西湖舊廬卽令出

宋四六話卷十一

九 海山仙館叢書

別候指揮東坡於是將僚佐同至石塔令擊鼓大眾聚
觀袖中出疏使晁無咎讀之其詞曰大士何曾出世誰
作金毛之聲衆生各自開堂何關石塔之事去無作相
住亦隨緣戒公長老開不二門施無盡藏念西湖之久
別亦是偶然爲東坡而少留無不可者一時稽首重聽
白槌渡口船迴依舊雲山之色秋來雨過一新鐘鼓之
聲謹疏余謂戒公甚類杜子美黃四娘耳東坡妙觀逸
想託之以爲此文遂與百世俱傳也

僧惠洪冷齋夜話

饒節字德操臨川人以文章著名曾子宣丞相禮爲上

客陳了翁諸公皆與之遊往來襄鄧間始亦有婚宦意
遇白崖長老與之語欣然有得嘗令其僕守舍歸見其
占對異常怪而問之僕曰守舍無所用心聞鄰寺長老
有道價往請一轉語忽爾覺悟身心泰然無他也德操
慨然曰汝能是而我乃不能何哉徑往白崖問道八日
而悟盡發囊橐與其僕祝髮爲浮屠德操名璧僕名如
琳遍參諸方至浙江靈隱山因駐錫焉後主襄陽天寧
夏均父倪爲請疏其畧云無復挾書更逐康成之後何
憂成佛不居靈運之先又云豈惟江左公卿盡傾支遁

宋四六話卷十一

十
海山仙館叢書

獨有襄陽耆舊未識道安時稱其精當

梁溪漫志

及在建業時華藏寺一老沙彌法光試經得度屬韓子
蒼作化錢疏座間索筆草云法光身本仕族志慕佛乘
依華藏以出家讀楞嚴而得度敢言四事尙乏三衣本
來一物也無政須行乞宅日寸絲不掛用此酬恩四六談塵
月泉在德清縣燕相寺出石罅間形如半月呂東萊疏
云斷崖吐月纔出半規古鬢涵星尙懷金璧久矣寶隘
之廢時哉玉斧之修護此清寒被其氛翳名高詩社再
傳和仲之符價重帝城復值文饒之運

湖州府志

吾州城北芝山寺爲禁煙遊賞之地寺僧欲建華嚴閣
請余作勸緣疏其末一聯云大善知識五千三永壯人
天之仰寒食清明一百六鼎來道俗之觀或問一百六
所出應之曰元微之連昌宮詞初過寒食一百六店舍
無烟宮樹綠是以用之 容齋四筆

張鑑南湖集附錄捨宅誓願疏文

案此文從石刻對錄
凡剝蝕字以葉石君

金石文隨錄手藁填
補小字側書以別之

大乘菩薩戒弟子承事郎直祕閣

新權通判臨安軍府事兼管內勸農事張鑑石鑑一心
歸命本師釋迦牟尼佛當來下生彌勒尊佛西方極樂

宋四六話卷十一

十一 海山仙館叢書

世界阿彌陀佛十方法界諸佛諸大菩薩緣覺聲聞大
梵天王帝釋尊天四天王韋陀尊天守護正法天龍
八部大權聖眾五嶽四瀆名山大川祠廟神祇伏望不
離真際普賜證明鑑恭以欲導羣迷必闡揚於佛道將
興遺教宜建立於僧坊勝福難思契經具載鑑生佛滅
後值法住時幸發無上心願學第一義念真乘難逢于
曠劫思慧命嘗續于未來助行欲妙於莊嚴隨力當施
於利益深心所在至願方陳閻浮乃衆生選佛之場震
且多大乘得道之器教法東漸而獨此爲盛祖師西來

而其傳不窮由是衆多之伽藍徧我清淨之國土或居
名山勝地或居赤縣神州皆古德之所興實檀那之自
創伏遇主上體佛心而治天下崇祖道而護宗門惟錢
塘駐蹕之方乃寰宇觀光之地昔相國會闡十禪之建
今所在未見一刹之隆如來演教于王城蓋居精舍宗
師接人於鬧市可乏叢林都民膠擾而罕聞說法之音
衲子往來而靡有息肩之處慨思闕典久矣經懷昨倦
處于舊廬遂更謀于別業園得百畝地占一隅幽當北
郭之鄰秀踞南湖之上雖混京塵而有山林之趣雖在

宋四六話卷十一

七

海山仙館叢書

人境而無車馬之喧爰翦荆榛式營棟宇勞一心而經
始厯二歲而落成念勝處可作精藍而薄德豈宜大厦
顧棲身之尚賴姑假舍而寓居符生自歎於艱虞幻質
累縈於疾疢求佛祖之加被祈天龍之護持增長善根
銷除宿業年得逾於知命運獲度於多災必法尊經變
穢方而成淨域定依前哲捨居宅而爲梵宮用分常產
之田永作香厨之供願主席者皆有道行使挂錫者咸
悟心源爲東方立光明幢與末世洒甘露雨插草不離
於當念布金何借於他緣言弗苟陳誓無終悔茲竊慮

事有多障時不待人先期或至於報終異議恐紛於身後宗族長幼朋友姻親或稱亂命之難從或謂名教之有害引屈到嗜芟之說謂王且削髮之言攘我良因奪我素志以至恃勢力而求指占由賄賂而請住持輒汗招提妄談般若若是出佛身之血是斷正法之輪死當墮於阿鼻生亟遭於奇禍特將此誓痛警若人俾革一時之狂心勿受歷劫之極苦蓋念起立塔廟飯食沙門流通大事之緣成就圓機之善恭願皇圖鞏固睿算增延期永措于兵刑庶宏持于象教上薦祖先父母次及知識寃親入難三途四生九類悉資薰而獲益總解脫以超輪廣此願心周乎法界作菩提之妙行爲淨業之正因佛國俱空畢竟首登于極樂法身非有不妨面奉于彌陀普與有情同成此道謹疏

張鑑南湖集

杜審琦昭德王太后之兄也任建寧州時節且請覲審琦視太祖太宗甥也一日陳內宴于福寧宮昭德太后臨之祖宗以渭陽之重終宴侍焉及爲壽二帝皆奉觴列拜樂人史著粗能屬文致詞于簾陛之外其畧曰前殿展君臣之禮虎節朝天後宮伸骨肉之情龍衣拂地

玉堂
清話

晁氏客語云富鄭公在筵潞公請純夫作致語云衮衣
繡裳迎周公之歸老安車駟馬奉漢相之罷朝富公大
喜近時王岐公自宮祠起至紹興府有以啟賀之者云
赤舄几几方遲周旦之居東綠竹猗猗行踪武公之人
相亦文矣

能改齋漫錄

曾文肅初與蔡元長兄弟皆臨川王氏之親黨後來位
勢既隆遂為仇敵崇寧初文肅為元長攘其相位文肅
以觀文守南徐時元度帥維揚赴鎮過郡元度開燕甚

宋四六話卷十一

十四
海山仙館叢書

勤自為口號云並居二府同事三朝悵契濶于當年喜
逢迎于斯地又云對掌紫樞參大政同扶赫日上中天
謬為恭敬如此而中實不然已而興獄文肅遂遷衡陽

揮塵
餘話

朱新仲少仕江寧在王彥昭幕中有代彥昭春日留客
致語云寒食止數日間纔晴又雨牡丹盡十數種欲折
又苞皆魯公帖與牡丹譜中全語也

揮塵後錄

正獻公守河陽范蜀公司馬溫公往訪公具燕設口號
有云玉堂金馬三朝侍從之臣清洛洪河千古圖書之

蘇德祥漢相禹珪之子建隆四年進士第一人登第初還鄉里太守置宴以慶之作樂伶人致語曰昔年隨侍會爲宰相郎君今日登科又是狀元先輩

灑水燕談錄

先子于河東一官員家見東坡親墨春宴致語云春爲陽中生物各遂其性樂以天下聖人豈私其身又云主上方麴蘖羣賢而惡旨酒鼓吹六藝而放鄭聲雖白雪陽春難解天顏之一笑而獻芹奉炙各盡野人之寸心今集中蓋無此

過庭錄

宋四六話卷十一

五

海山仙館叢書

東坡天人也凡作一文必有深旨撰小兒致語云自古以來未有祖宗之仁厚上天所佑願生賢聖之子孫其意深切著明

貴耳集

優詞樂語前輩以爲文章餘事然鮮能得體王安中履道政和六年天寧節集英殿宴作教坊致語其誦聖德云蓋五帝其臣莫及自致太平凡三代受命之符畢張殊應又云歌太平旣醉之詩賴一人之有慶得久視長生之道參萬歲以成純可謂妙語也至放小兒隊詞云戢戢兩髦已對襄城之問翩翩羣舞却從沂水之歸放

女童詞云奏閒圃之雲謠已瞻天而獻祝曳廣寒之霓
袖將偶月以言歸益更工麗而切當矣履道之掌內制
可謂稱職凡樂語不必典雅惟語時近俳乃妙王履道
天軍節宴小兒致語云五百里采五百里衛外並有截
之區八千歲春八千歲秋共此無疆之壽又正旦宴小
兒致語云君子有酒多且旨得盡羣心化國之日舒以
長對揚萬壽孫近叔詣宣和春宴女童致語云黛耜載
耕於帝籍廣十千維耦之疆青圭往祐于高禔兆則百
斯男之慶皆爲得體然未若東坡元祐秋宴教坊致語
云南極呈祥候秋分而老人見西方慕義涉流沙而天
馬來又春宴致語云稍寬中昃之憂一均湛露之澤方
將麴蘖羣賢而惡旨酒鼓吹六藝而放鄭聲雖白雪陽
春莫致天顏之一笑而獻芹負日各盡野人之寸心則
又不可跂及矣樂語中有俳諧之言一兩聯則伶人於
進趨誦詠之間尤覺可觀而警絕如石懋敏若外州天
寧節錫宴云飛碧篆之爐烟薰爲和氣動紅鱗之酒面
起作風波何安州得之外州止元云五雲縹緲出危橋
於靈鼉九陌熒煌下繁星于陸海暗塵隨馬素月流天

如熙熙登春臺舉欣欣有喜色孫仲益和州送交代云
渭城朝雨寄別恨于垂楊南浦春波眇愁心于碧草皆
爲人所膾炙也

墨莊漫錄

翟公異知密州俟蒙元功自中書侍郎罷政歸鄉公有
啟云得請真祠歸榮故里雖老成去國之易而明哲保
身之全多士歎嗟饑韓侯之出祖邦人慰喜詠季子之
來歸又云乘安車而過諸子未慕昔賢揮賜金以娛故
人用償夙志公平時四六多聲牙高古而此啟特平易
真大手筆也後元功於里第築臺曰高藍光既落成公

宋四六話卷十一

七

海山仙館叢書

就臺張具爲宴自作致語有云公槐避寵衣繡歸家從
方外之赤松寄高懷於綠野珍禽絳羽借雜樹之遺棲
曲沼回塘分鳳池之餘潤晉世語云劉放爲中書監孫
資爲中書令共領樞要侯獻曹肇心內不平殿中有雜
棲樹二人相謂曰此亦久矣其能復幾指放資也又晉
書荀勗守中書監毗贊朝政及遷尙書令勗久在中書
專掌機事失之甚愠人有賀之者怒曰奪我鳳凰池何
賀焉故公用雜樹鳳池皆中書事考之方見其切

墨莊漫錄

先夫父大觀初從郎曹得守九江自鄉里汝陰之官有

同年生朱景瞻者姑溪人其子惠直爲德化縣主簿迎
侍其父以來先祖愛其清修好學甚前席之教以習宏
詞科日與出題以其所作來呈不復責以吏事會王彥
昭渙之出帥長沙令作樂語以燕犒之時有王積中者
知名士也以特起爲僉書節度判官且俾預席其藁不
存但記憶三聯云少年射策有賈太傅之文章落筆驚
人繼沈侍中之翰墨從來汝潁之間固多奇士此去瀟
湘之地相逢故人况有錦帳之郎官來爲東道且邀紅
蓮之幕客共醉西園先祖讀之大喜以爲句句著題薦
之於時相何清源卽除書局已而中詞科自此聲名藉
甚

揮塵三錄

葉隆禮士則謫居袁州袁之士友釀酒以招之蜀士張
汴朝宗作樂語一聯云掃地焚香有蘇州之雅澹仰天
拊缶無楊氏之怨傷士則大稱之

浩然齋雅淡

天基節錫宴致語伏以聰明而作元后天開甲觀之祥
富壽以祝聖人春治乙飛之旦罄四海呼三之頌上萬
年第一之觴恭惟皇帝如日華暉如乾粹健用眾君子
裂陰霾而劃開更一化元洗陽光於晦蝕言觀左皇陶

右穆契真欲駕唐虞軼商周德新日新而又新有赫泰
平之象道大天大而亦大於昭震夙之符嘉與函生共

陶熙旦 翰苑新書

牟存齋同張倅宴吳吉州致語漢吳公治平之行稱第
一流歐陽子文物之鄉非尋常郡人與山川頡頏天教
賓主逢迎新府肇開初筵肆秩恭惟判府編修清防水
刷健筆芒寒星時動少微獨擅古枯縉雲之秀世不乏
季子卓爲濮陽渤海之宗聲名鞭翠鳳以參前步武駟
玉虬而直上載武畧編摩之筆望重紫扉惹文昌奏樹

宋四六話卷十一

九

海山仙館叢書

之香班通碧落舟近神山而引卻香隨燕寢以清凝寶
氣騰空久耀龍津之劍神光照水終還螺浦之珠曾未
浹於堯葢已有光於漢竹望狄公飛雲處好音時到於
家庭登江武戲綵堂俚語重新於州宅世無此樂人艷
其榮紅粧執樂白粲連檣漸復承平之舊觀赤羽燒晴
金榜射日儲胥獻納之邇聯而我兩府判久矣仰高幸
茲事長岷峩萬里心寒孤矯之鴻江漢十年影斷未歸
之雁甚愧成都雙玉筍來尋湓浦百花亭不圖無懈之
州獲際畫熊之軼人欲和別乘清風之曲我惟誦棲枝

明月之詩至後日長且喜剝陽之盡盪夜來雲凍不妨
需燕之式張笑共索於梅花舞偏低於楊柳琵琶好聽
未須溼司馬之衫看菽雜陳政可盡醉翁之酒姑煩樂
指申介壽眉揮萬字飲千鍾不忝文章之太守薦三花
裁五色會徵岳牧之詞臣

翰苑新書

方秋崖邵武宴交代權郡致語半刺史行刺史豈惟風
月之分今將軍故將軍共喜星辰之聚碧玉環收霖雨
黃金印領山川歡奉壺觴相傳衣鉢恭惟交代書潛義
極劍躍龍津江夏之才無雙幼余有此奇志潁川之政

宋四六話卷十一

三
五山仙館叢書

第一今何爲乎假侯瓜時近在一日間芝字飛從九天
下小徐王近有爲民留謂且握手出肺腑尙邀陰賜其
將與帝作喉舌於赫陽光我知郡式開我龜乃發爾爵
念生平之少可無今此之佳逢舉扇障西風公母多問
持杯勸北斗夜未渠央畧駐浩歌試聽輿誦

翰苑新書

攻媿爲姜氏慶七十致語云今日王孫猶有承平之故態

舊時竹馬得見會昌之新春承平王孫見柳文羗髯

困學紀聞

劉潛夫王實之平昔論交最深且意氣不相下實之踏
蹬凡六爲別駕其爲吉倅適潛夫宜春之魔與之相先

後潛夫開宴爲餞且侑之樂語有云有謫仙人駿馬名
姬豪放之風無杜陵老殘盃冷炙悲辛之態又云擁通
德而著書命便了而沽酒麗人歌陶秀實郵亭之曲好
事繪韓熙載夜宴之圖賀客盈門勸展驥而爲別駕長
官分席歎無螭而有監州極摹寫之妙焉旣而實之報
席亦有侑語云七年三出使山岳漸見動搖十載六監
州風月不禁分破陌上歌採桑曲惱殺羅敷觀中吟種
桃詩壓倒夢得梅花入句如何遜之在揚州薏苡滿船
如伏波之歸交趾忌名下人棄沅芷湘蘭而不佩漏禁

宋四六話卷十一

三

海山仙館叢書

中語覺階薇砌藥之無情皆能抓著癢處也

浩然齋雅談

劉震孫長卿號胡齋知宛陵日吳毅夫潛丞相方閒居

劉日陪午橋之遊奉之亦甚至嘗攜具開宴自撰樂語

一聯云入則孔明出則元亮副生平自許之心兄爲東

坡弟爲樂城無晚歲相違之恨毅夫大爲擊節

齊東野語

樞密包公謝事歸里張宴招郡太守震卿爲作樂語有

曰野服見賓客方從北山隱士之招金尊醉使君初上

西京循良之最好對一天風露共談千里耕桑末云如

此良夜旣不辭北海之尊儻有餘情尙冀護南山之獵

隱居
通議

鄂渚透渡江右俱警江西制置副使徐有功敏子駐臨
江華父大合樂以饗之謙谷爲作樂語甚佳有曰持節
督官軍次碧嶂清江之列負弩迎使者瞻碧油紅旆之
輝云云某官通身是膽滿腹皆神三十年前爲周造士
進士一萬里外識漢護軍將軍云云結語云幸有陳平
六出計可與相謀吾知徐公百不憂何妨徑醉試築急
搯以動殺聲此數語奇氣拂拂真俊才也口號有曰平
生朋友叔知我天下英雄操與君亦自佳句

隱居通議

宋四六話卷十一

三

海山仙館叢書

李右司義山嘗以江東提刑守池州值鄂渚受圍命池
州加浚築言者以其擾劾罷之後經赦敘官主管玉局
觀次山賀之有曰舊聞玉局之名良不輕畀茲蓋銀字
之信可卜峻遷又曰直指衣繡允藉於威名曲突徙薪
竟無於恩澤皆切當而不塵腐李公回啟有曰鑿斯池
築斯城類無具甚鍛乃戈峙乃榦尙竊遲之亦足以發
其意其後李公納次山之姪爲壻大合樂以宴次山次

山謝之有曰大齊非偶肯從鄭國之婚小阮差賢榮附

晉林之飲又曰孔雀屏芙蓉褥盛開李監之門闌鷓鴣

杓鸚鵡格爛醉翰林之風月末云行行解纜擬朝飛南
浦之雲望望倚樓但夜看豐城之氣蓋次山官於隆興
而李公居豐城此其所以爲切也

隱居通議

四月初八日謝太后壽崇節初九日度宗乾會節賈似
道命司封郎中黃蛻作致語中有一聯云聖母神子萬
壽無疆亦萬壽無疆昨日今朝一佛出世又一佛出世
滿朝縉紳皆喜之

三朝野史

聖節所用祝頌樂語外方州縣各當筵致語一篇又有
王母像者若教坊惟祝聖而已歐陽公集乃載五方老

宋四六話卷十一

三

海山仙館叢書

人祝壽文五首其東方曰但某泰山老叟東海真仙溜
穿石而增窅始終松避雨而備知歲月義氏定三百六
日嘗守寅賓之官夷吾紀七十二君盡觀登封之事遇
安期而遺棗笑方朔之偷桃風入律而來自巖前斗指
春而光臨洞口昔漢武帝嘗懷三島之勝遊有羨門生
欲謁巨公於昭代今則紫庭降聖華渚開祥遠離朔日
之方來展望雲之懇千八百國咸歸至治之風億萬斯
年共禱無疆之壽其頌只四句西中南北皆然集中不
云何處所作今無復用之

容齋五筆

北行日錄人東京賜宴口宣云卿等遠持使節來會歲
元適冒寒威宜加宴勞再傳口宣云卿等來朝歲旦遠
抗使旌爰增原隰之華宜有甘芳之錫賜東館宴口宣
云來持使節遠冒寒威宜頒在鎬之恩以示禮賓之意
又云遠涉道途衝冒霜雪爰嘉勞勩宜錫芳甘賜銀合
湯藥敕卿會朝歲旦蒙犯寒威眷惟將命之恭有加勞
勩宜錫衛生之物迎致冲和至燕賓館白琮賜宴李顯
金賜酒果入張鉉撫問琮宣云遠持使節已次近郊宜
示宴慈以彰眷遇顯金云遠乘輶傳已次國門宜有寵

宋四六話卷十一

三
海山仙館叢書

頒以休勞勩鉉云會朝歲旦弭節宴亭爰念勩勞宜加
省問射弓宴張倬賜生餼高蕙賜宴完顏高賜酒果倬
宣云遠將慶幣來會春朝方休徒御之勞宜有餼牽之
賜蕙云長途遠屆使事告成將觀射御之容宜示宴私
之寵高云已成使事將向歸途宜有珍頒以鞶寵遇新
樂縣賜宴口宣云復將使指少憩中途宜示宴慈以光
行色又云使命改轅价藩弭節宜頒寵賜增重皇華
攻媿

集
乾道間丞相魏文節公守吳門魏惠憲王鑣宣城過郡

宮教爲教官作樂語有云天上風姿咸仰吾君之子人
間官品休論異姓之王丞相極稱之

政魏集

楊冠卿館於九江戎司趙溫叔罷相帥荆南道由九江
守帥合宴楊作致語云相公倦台鼎喜看袞繡之東歸
潯陽無管絃且聽琵琶之舊曲溫叔再三稱道

貴耳集

玉叔言子游守名與佞狀云倒屣以待諸公要出我門
解榻而迎使君未有此客喜接辭之伊邇仍問政之可
期

四六談塵

向余避地雲間泗濱時其地有林泉之勝無烽燧之虞

宋四六話卷十一

十一

海山仙館叢書

同時嘉遯者皆文人高士因倣司馬溫公故事俾余作
約語云百歲光陰萬物乃天地逆旅四時行樂我輩亦
風月主人幸居同泗水之濱况地接九山之勝儘可傍
花隨柳庶幾遊目騁懷節序騷騷莫負芒鞋竹杖杯盤
草草何慙野菽山肴雖云一餉之清歡亦是百年之嘉
話敢煩同志互作遨頭慨元祐之耆英衣冠遠矣集永
和之少長觴詠依然訂約旣勤踐言勿替用附於此以
見真率之會不讓遊山之樂也

陶宗儀輟耕錄

東坡作惠州白鶴新居上梁文敘幽居之趣益以文爲

戲自此老啟之也其後葉少蘊作石林草堂上梁文孫仲益作西徐上梁文皆效其體格然不能無優劣矣余亦嘗效之有云春風雨足耕隴首之曉雲秋日鱸肥釣波心之寒月

茗溪漁隱叢話

東坡雪堂既毀紹興初黃州一道士自捐錢粟再營建士人何頡斯作上梁文其一聯云前身化鶴曾陪赤壁之遊故事換鶯無復黃庭之字乃用太白詩爲出處可謂奇語

容齋四筆

孫仲益山居上梁文云老蟾駕月上千崖紫翠之間一

宋四六話卷十一

三

海山仙館叢書

鳥呼風嘯萬木丹青之表又云衣百結之袖捫蝨自如拄九節之筇送鴻而去奇語也

鶴林玉露

鄉林居士文集序上梁文云坊名五柳仰陶令之高風洲號百花乃東坡之遺事其尙友前賢類此標致可知

矣 攻媿集

大傳吳元美創嶽宮三清殿寓公咸在吳以題梁遜龜年黃公公卽解手帕濡墨大書云風馬雲龍儼百神勾陳之位金枝玉葉拱萬齡宸極之尊詞語鏗潤書法高古吳初見公畧不經意復疑濡筆染墨非法旣而雙美

始大喜心服歸語子姪曰此公不特詞翰可敬其才
出人數等

宋名臣言行錄

文穆范公成大晚歲卜築於吳江盤門外十里蓋因闢
閭所築越來溪故城之基隨地勢高下而爲亭榭所植
多名花而梅花尤多別築農圃堂對楞伽山臨石湖蓋
太湖之一派范蠡所從入五湖者也所謂姑蘇前後臺
相距亦止半里耳壽皇嘗御書石湖二大字以賜之公
作上梁文所謂吳波萬頃偶維風雨之舟越戍千年因
築湖山之觀者是也

齊東野語

宋四六話卷十一

七

海山仙館叢書

徐淵子上梁文云林木翳然便有濠濮間想清風颯至
自謂羲皇上人初寮啟云得知千載上賴古書作吏一
行遂廢此事皆全句

困學紀聞

喬文惠行簡嘉熙末自相位拜平章軍國重事年已入
衰矣時時皆以富貴長年羨之而公晚年子孫淪喪况
味尤惡嘗作上梁文云有園有沼聊爲卒歲之遊無子
無孫盡是他人之物又乞歸田里表云少壯老年已
踰八袞祖子孫三世僅存一身聞者憐之

齊東野語

衢州稽古閣書臯陶謨于屏其上梁文云臯陶若稽古

事三朝稽古之君孔子與斯文爲萬世斯文之主

困學紀聞

南豐以寇燬城隍祠爲之重創次山爲作上梁文曰封人造都邑之城百乘爲家吉禮事邦國之神三靈錫羨又曰穀熟而民人育有德於時精多則魂魄強遂食茲土又曰罹彼不祥豈以其猶物於物與民同患蓋不欲自神其神侯無我違相奪予享又出疏云城郭千年是司隲相鬼神二氣亦有廢興眷邦邑之克協厥居職幽明而各治其事城隍神者民物繫焉適數墮於劫灰盍謀還於舊觀必明宮齋廬之備與廟貌祭式之嚴先須

宋四六話卷十一

天

海山仙館叢書

計錢穀之幾何始可問木石於某所亟揮大手共發肯心揭虔安靈其永綏於祀事捍災禦患尙無作於神羞

隱居

通議

寶慶三年公在贛重建鬱孤臺上梁文云千騎居上頭節鎮素雄於昭信入境見圖畫臺觀尤盛於鬱孤踞龜首之穹窿映虎城之突兀崆峒對聳章貢交流自宇宙便有此山至東坡而增重與風月之無盡藏歷西江而獨尊騷人墨客相繼吟哦車轍馬蹟爭先登覽然而年侵屋老基圯棟欹雖天造之絕奇奈人事之弗稱儻匪

具胸中之邱壑安能領物外之雲烟使君於此不凡老子之興不淺故須出手以遂改圖從太守而游行繼醉翁亭之集後天下而樂竊媿岳陽樓之碑茲舉修梁盍陳韻語伏願上梁之後一城和氣千里樂郊細民歌舞於春臺寒士歡欣於夏屋西并紀盛頻煩北海之開尊眾樂與同雜沓西園之飛蓋文風丕變戎索允安

隱居通議

嘉定間公創新居上梁文云陳元龍卧百尺樓風負功名之志揚子雲有一區宅晚安寂寞之圖盡收湖海之豪歸逐桑榆之煠定齋主人遭逢過分出處隨緣五更

宋四六話卷十一

元
海山仙館叢書

三點而入朝久厭承明之直入千餘里而遡峽敢辭蜀道之難初心欲濟於艱虞何意適丁於變故頭頭險著步步危機病身空想於狐邱全家幾陷於虎口造物獨憐其忠赤上恩乃許以生還安行大地之風波只仗通天之肺腑陳力就列不能者止投閒置散乃分之宜歸去來兮只欲安身於容膝聊復爾耳可能無地以矚禪旋作鷓鴣巢林之謀庶同燕雀賀厦之喜棲圖書以娛老景藝花木以印歲寒滅匈奴何以家爲須還好手營菟裘吾將請老寧復遐心聊題六偉之詞以資一笑之

噓伏願身心安泰骨肉康寧肯堂收教子之功含飴遂弄孫之樂良辰美景解后四并樂歲豐年均沾一飽游山之脚力常健對客之酒量日增鬼神訶禁不祥門戶

興起未艾

隱居通議

又作東宅上梁文云結廬南向甘歸隱於菟裘規地東榮更詒謀於燕翼爲乃翁行樂之所作諸兒棲息之區若箇圓成吾事滿足定齋主人不才宜棄未老得閒萬兵立帳而百吏繞前曾作元龍之夢一水護田而兩山排闥每羨野人之居天施斥去之恩神相歸來之福一

宋四六話卷十一

三

海山仙館叢書

枝定卜百指具宜尙恨無燕坐以接親朋無隙地以種花木規模恣恣祇可爲奉禮大祝之廳童穉駸駸便當得參軍新婦之配載謀新築庶可奠居聚國族於斯何須輪奐定男位乎外靡限籬籬往來可當行窩褊迫難論別墅展名畫於四壁列怪石於兩廂曝法帖則多沒字之碑蓄古琴則學無弦之譜有客喫常堂之飯無事讀來世之書只爾便了吾生捨此寧復多事婆娑正坐君輩敢懷責子之心辛勤有此屋廬肯忘柬書之力聊題韻語以相工歌伏願心地清寧脚跟強健飽飯安眠

而日日邨歌社鼓以年年老光團樂曰富貴而與飲食
阿奴踰跟無災難而至公卿子舍發祥孫枝衍慶下澤
車款段馬到處閒嬉赤脚婢長鬚奴勿來相惱鬼無闕
室人盡遂耕

隱居通議

又作歲寒堂上梁文云結廬在人境幸逃火劫之災藝
木印歲寒添創草菴之景聊取後凋之意以爲晚對之
宜定齋主人勇退急流願爲老圃飽嘗世味掩鼻腐鼠
之場識破幻塵留眼歸鴻之外頃回祿之爲變偶靈光
之獨存東里西鄰無復棟薨之接南貧北富率爲一瓦礫

宋四六話卷十一

三

海山仙館叢書

之堆擴地得十畝之餘誅茅開三徑之所天桃曼李祗
得意於春風蒼檜綠筠願定交於晚節茶梅擢秀於雪
裏橘柚垂實於霜前凡此同盟之人允謂忘年之友十
年之計種以木培植成陰一日不可無此君彈壓俗氣
脩梁載舉韻語前陳伏願飽飯長閒挂冠得請胸中邱
壑具山高水長之風筆下波瀾得霜降水涸之妙因孤
竹君而識玉版老約赤松子而交黃石公徧參柏樹之
禪頻醉梅花之夢淡交莫逆俗客不來共園公而睹玉
塵相將橘隱會麻姑而擘麕脯重說桑田

隱居通議

又創一樓其上榜以水月觀其下榜以逍遙游混融二
教會作一家其上梁文云神僊好樓居聊欲逍遙於物
外水月通禪觀又將證悟於胸中合心迹於雙清融道
釋於一致定齋主人在家羽士有髮衲僧跳出叟籃始
覺昨非而今是愛穿緇轡肯教人重而已輕手持種樹
之書身抱灌園之甕無復萬閒廣廈寒士之歡顏且
圖百尺高樓斂少年之豪氣不爲行藏而獨倚將隨深
淺以見機玉京十二闌干分明可到金地三千世界倏
忽見前箇中落成吾生願足暫停工斲齊聽相歌伏願

宋四六話卷十一

三
海山仙館叢書

境靜長春人閑不老尻輪神馬徧從塵外遨遊心印法
燈盡向眼前了徹知有之非無無之非有悟空卽是色
色卽是空挽浮邱袂拍洪崖肩相與游方之內遭臨濟
喝吃德山棊孰如不語之禪縱未能白日升仙也終解
立地成佛

隱居通議

嘉熙庚子歲公於盱城景德寺門創一傑閣塑五百羅
漢像於其中作上梁文云五百尊石橋大士化身久駐
於淨方三千年劫火彌天餘燼未還於舊觀花甲已經
於十稔檀那莫辨於衆緣水到渠成山鳴谷應定齋老

人來佛果位見宰官身久厭塵緣求出世法無我相無
人相大開方便之門學小乘學大乘願求解脫之路不
懼有爲之功德要成無上之因緣阿堵物聚少成多運
斤手將勤補拙采山而木客泣伐石而土丁愁伴圖告
成卜筮協吉開法筵看第一義從淨土入不二門輪奐
九霄龍象爲之歡喜聳飛萬瓦燕雀賀其崇成於以祝
當今皇帝之壽齡於以鎮南瞻部州之世界聊題六律
以相百工伏願佛日光明僧寶堅固爲一大事續如來
無盡之燈於萬斯年增主上在躬之歷病居士消身口

宋四六話卷十一

三
海山仙館叢書

意之業善知識結去來今之因阿闍黎朝朝去應緣道
場小沙彌箇箇作承家法嗣風調雨順從今都是大有
年貫朽粟陳到處盡成極樂國護持劫運鎮壓邪魔隱居

通議

盱城南門外有倫魁堂蓋曾文莊公鴻甫漸舊宅基也
公赴紹熙庚戌廷對天子擢爲第二人官至工部侍郎
子仲實穎茂旣貴顯移家城內乃卽故基創別墅號倫
魁堂以表之咸淳癸酉詔諸郡取士鄉友欲振士氣復
於通衢建樓曰倫魁與堂相輝震卿爲作上梁文曰倫

魁通衢武城文塾占千年之旺氣大啟山川建百尺之危樓坐挹星斗庚戌氣數將復癸酉詔書又來風露八窓幻出廣寒清虛之府雲濤四面如坐瀛洲方丈之圖又曰見八萬四千門戶運月斧於雲間遡一千七百河源泛僊槎於天上末云奎文興宋魁宿臨盱重看忠孝狀元定作太平宰相此數語殊不塵也

隱居通議

宋四六話卷十一

三
海山仙館叢書



狀元狀升太平宰相此邊語極不塵也

魁通衢武城文塾占千年之旺氣大啟山川建百尺之危樓坐挹星斗庚戌氣數將復癸酉詔書又來風露八

窓幻出廣寒清虛之府雲濤四面如坐瀛洲方丈之圖又曰見八萬四千門戶運月斧於雲間遡一千七百河

源泛僊槎於天上末云奎文興宋魁宿臨盱重看忠孝狀元定作太平宰相此數語殊不塵也

隱居通議

宋四六話卷十一

宋四六話

南昌彭元瑞芸相定本

卷十二

雜文散語摘句諧談

眞宗皇帝祀汾而還駕過伊闕親灑宸翰爲銘勒石文不加點羣臣皆呼萬歲其文曰夫結而爲山融而爲谷設險阻於地理資守距于國都足以表坤載之無疆示神州之大壯者也矧復洪源南導高岸中分夏禹濬川初通闕塞周成相宅肇建王城風雨所交形勢斯在靈葩珍木接畛而揚芬盤石檻泉奔流而激響寶塔千尺

宋四六話卷十二

一
海山仙館叢書

蒼崖萬尋秘等覺之眞身刻大雄之尊像豈獨勝遊之是屬故亦景貺之潛符躬薦兩圭祝汾陰而祈民福言旋六轡臨雒宅而觀土風旣周覽于名區乃刊文于眞石銘曰高闕巍峩羣山迤邐乃固玉城是通伊水形勝居多英靈萃止螺髻偏摩雁塔高峙奠玉河濱回輿山趾鳴蹕再臨貞珉斯紀

楓廳小牘

吳正肅試賢良方正科殿試策因論古今風俗之變皆隨上所好惡有曰城中大袖外有全帛之奢雨下墊巾衆爲一角之效是時試策猶間用對偶句也神宗喜此

兩句對輔臣誦之有意大用正肅者實肇於此 四六詠

陶晟號州人陶公毅叔事之自前延安軍司馬授華州

行軍陶翰林為序親書以送之畧曰聖上卽位之三年

命前延安軍司馬參戎闡於華下綏舊俗也踐華寧秦

之境遠皇猷者五十有九年矣赤驥嘶風而可仰玉蟾

耀彩以如晝潛編嘉作別俟知音攀琪樹而笑天風鼎

遷周頌控文鯨而飛赤水幅裂韓詩辭多不載 張齊賢洛陽舊

聞記

張紫巖謫居十五年憂國耿耿不替昕夕適權姦新斃

尺四六話卷一 二

海山仙館叢書

時宰恃隣好而不固圍紫巖方居母喪上疏論事朝以

為狂復詔居零陵一日慨然作几間丸墨并常支節竹

枝二銘以寓意墨之銘曰存身于昏昏而天下之理因

以昭昭斯為瀟湘之寶予將與之歸老而逍遙杖之銘

曰用則行舍則藏惟我與爾危不持顛不扶則焉用彼

或錄以示當路大怒以為諷已將奏之會病卒不果它

日陳正獻俊卿為孝皇誦之摘其一銘書于御杖焉 程史

蔡京子六人孫四人鄭居中劉正夫子各二人余深王

黼白時中蔡卞鄧洵仁洵武子各一人並列從班宣和

末諫官疏謂尙從竹馬之遊已造荷囊之列

宋史朱勝非傳

范純仁堯夫丞相夢禮官諭曰忠宣考功鄧忠臣議曰每思捐身而開策常願休兵而息民祇知扶危而濟傾寧恤跋前而疋後又曰讒言亂國而明蔡確之無辜茲

堂投石而謂大防之可原當衆人莫敢言之時在偏州無可用之地義形正色憤激至誠非特救當世正人端士之織羅直可戒後世亂臣賊子之迷罔徇公忘己爲國惜賢又曰父母之國有時而去股肱之義於是或虧放之江湖忽如草芥紉蘭澤畔更甚屈原之忠占鵬坐

宋四六話卷十二

三
海山仙館叢書

隅已分賈生之死又曰側席南望而快浮雲之蔽趣節東歸而咏零雨之濛又曰法座想見其風采詔書相望於道塗時論皆以爲允當

墨莊漫錄

歐陽文忠公志

太平興國中吳王李煜薨太宗詔侍臣撰吳王神道碑時有與徐鉉爭名而欲中傷之者面奏曰知吳王事迹莫若徐鉉爲詳太宗未悟遂詔鉉撰碑鉉遽請對而泣曰臣舊事李煜陛下容臣存故主之義乃敢奉詔太宗始悟讓者之意許之其警句云東隣遘禍南箕扇疑投杼致慈親之惑乞火無里婦之談始勞因壘之師終後

塗山之會太宗覽讀稱歎東隣謂錢俶也

東軒筆錄

徐鉉歸朝後乞為故主李煜作墓碑朝廷從之

案翟者年猶史

太平興國中詔侍臣撰李煜神道碑有欲中傷徐鉉者奏曰吳王事莫若徐鉉為詳遂詔鉉撰鉉乞存故主之義云云非鉉乞撰此所記殊誤謹附訂於此

其辭有云盛德百世善繼者所以主其事聖人無外善守者不能固其存西隣起釁南

箕構禍投杼致慈親之貳乞火無隣婦之詞又曰孔明

罕應變之畧不成近功偃王躬仁義之行終於亡國

浩然

齋雅談

晏元獻公撰章懿太后神道碑破題云五嶽崢嶸崑山

宋四六話卷十二

四 海山仙館叢書

出玉四溟浩渺麗水生金蓋言誕育聖躬實繫懿后奈

仁宗夙以母儀事明肅劉太后膺先帝擁祐之託難為

直致然才者則愛其善比也獨仁宗不悅謂晏曰何不

直言誕育朕躬使天下知之晏公具以前意奏之上曰

此等事卿宜置之區區不足較當更別改晏曰已焚草

於神寢上終不悅迨升祔二后赦文孫承旨忭當筆協

聖意直敘曰章懿太后丕擁慶羨實生眇躬顧復之恩

深保綏之念重神馭既往仙遊斯邈嗟乎為天下之母

育天下之君不逮乎九重之承歡四海之致養念言一

至近慕增結上覽之感泣彌月明賜之外悉以東宮舊
玩密賚之歲餘參大政

野錄

孫忭字夢得眉山人天聖進士
參知政事論文懿有集 湘山

金昆玉友無復二難鴻筆瓌詞有華三絕繙篋中之遺

跡附冢上之豐碑解白墮之嘲條焉隔世圓朱褒之夢

恍若平生偉詩禮之傳芳森兒孫其競爽尙襲藏於手

澤期光紹於寶章

益公題跋

東坡祭徐君猷文云平生髣髴尙陳中聖之觴後夜渺

茫徒挂初心之劍因其姓而用事尤爲中的

若溪漁隱叢話

宋四六話卷十二

五

海山仙館叢書

東坡祭柳子玉文郊寒島瘦元輕白俗此語具服客見

詰曰子盛稱白樂天孟東野詩又愛元微之詩而取此

語何也僕曰論道當嚴取人當恕此八字東坡論道之

語也

彥周詩話

李鴈方叔祭東坡文有云皇天后土鑒平生忠義之心

名山大川還千古英靈之氣

墨莊漫錄

遠嘗一日謁冰華丈於其所居烟雨堂語次偶誦人祭

先生文至降鄒陽於十三世天豈偶然繼孟軻於五百

年吾無間也之句冰華丈曰此老夫所爲者因請降鄒

陽事冰華云元祐初劉貢父夢至一官府案問文軸甚多偶取一軸展視云在宋爲蘇某逆數而上十三世云在西漢爲鄒陽蓋如黃帝時爲火師在周爲柱下史只

一老聃也

何遠春渚紀聞

嘉定間宇文紹節爲樞密卧病王醫師涇投藥而斃宰執往祭之命南宮舍人李師普爲文末句曰云誰過歟醫師之罪相府書吏張日新寫至此執白衛王曰既是誤投藥劑豈可謂之醫師只當改作庸醫之罪衛王首肯之又嘉定初玉堂草休兵之詔有曰國勢漸尊兵威

宋四六話卷十二

六

海山仙館叢書

已振曰新時在學士院爲筆吏仍兼衛王府書司密白衛王曰國勢漸尊之語恐貽笑於人不當以爲素弱也衛王是其說改曰國勢尊隆兵威振勵蓋吏胥亦有識義理文字之不可不檢點也如此容齋隨筆所載一事亦然

癸辛雜識

趙令人李號易安其祭湖州文曰白日正中歎龐翁之

機捷墜城自墮憐杞婦之悲深婦人四六之工者

四六談塵

弁留金玉倫先歸以弁奉送徽宗大行之文爲獻其辭曰歎馬角之未生魂消雪窖攀龍髯而莫逮淚灑冰天

帝讀之感泣

宋史朱弁傳

隆祐哀冊徐師川撰云作合泰陵賢而不見答制政房闡聖而不可知席大光偶目眚辭其書遂以命趙叔簡書之

四六談塵

杭學自昔多四方之士淳祐辛亥鄭丞相清之當國朝議以遊士多無檢束羣居率以私喜怒軒輕人甚者以植黨撓官府之政扣闈攬黜陟之權或受賂醜詆朝紳或設局騙脇民庶風俗寢壞遂行下各州自試於學仍照舊比分數以待類申將以是歲七月引試爲始會教

宋四六話卷十二

七

海山仙館叢書

官林經德對士子上請語微失於是大閔肆罵時趙京尹與衆教官調停一時但欲求靜遂許以三百名內一半取士著一半取游士於是乃息越數日宰執奏事上面諭曰近行諸州各試之法正欲散遊學之士不知臨安府憑何指揮復放外方之人趙尹聞之恐甚乃移牒俾遊士限日出齋其計始窮乃爲檄文相率而去云天之將喪斯文實係興衰之運士亦何負于國遽罹斥逐之辜靜言思之良可醜也慨祖宗之立法廣學校以儲材非惟衍豐芑以貽後人蓋亦隆漢都而尊上國肆惟

皇上克廣前猷炳炳宸奎釐爲四學彘彘束帛例及諸生蒙教育之如天恨補報之無地但思粉骨何有觸喉直列安石之姦共惜元城之去實爲公議不利小人始陰諷其三緘終盡打於一網不任其咎移過於君是誠何心空人之國昔鄭僑猶謂毀校不可而李斯尙知逐客爲非今彼不顧行之使我何顏居此厄哉吾道告爾同盟毋見義以不爲宜行已而有恥苟爲溫飽可勝周粟之羞相與提攜莫蹈秦坑之禍斯言旣出明日遂行八月朔乃相率而出

齊東野語

宋四六話卷十二

八 海山仙館叢書

錢熙泉南才雄之士進賦萬餘言太宗愛其才擢館職嘗撰三酌酸文世稱精絕畧曰渭川凝碧早拋釣月之流商嶺排青不逐眠雲之客又年年落第春風徒泣於鶯遷處處羈遊夜雨空悲於斷雁

四六話

鄭璋告吳元美作夏三子傳指蚊蠅也家有潛光亭商

隱堂以亭號潛光有心於黨李堂名商隱無意於事秦

故檜尤惡之編管

宋史姦臣傳

寶藏文苑不傳不入

瑤鄉嘗代人撰婚書中有云旣爲管鮑之交復結陳雷之好客曰管鮑陳雷俱朋友故事不傷於合掌乎答曰

陳雷世世爲婚姻若朱陳也

無名氏戊辰雜鈔

福王之子娶全竹齋少保之女婚書一聯云依光薊北
苟安公位之居回首江南惟重母家之念亦有味也時

福王爲平原郡公

癸辛雜識

朱熠本武臣嘗爲內夫人妹內官弟婚啟理廟見之大
加賞異特旨授官至參知政事其啟云環帝座之九星
貂珥會參於畫室羅嬪嬙之九御魚軒嘗綴於彤闈俱
從天上之神仙來結人間之嘉會所由燕爾夫豈偶然
令弟從長奕世近龍光月殿斯沾於湛露舍妹夫人十

宋四六話卷十二

九 海山仙館叢書

年陪鳳輦霓裳猶燦於朝霞水流紅葉之無心琴續朱
絃而有託瓊臺不怕雪甫歌采鸞之詩玉杵曾擣霜辱

贈雲英之詠朱乃武舉狀元温州人理宗微時識之

俞焯

詩詞
餘話

吳僧贊寧國初爲僧錄頗讀儒書博覽強記辭辨縱橫
有安鴻漸者文詞雋敏尤好嘲詠嘗街行遇贊寧與數
僧相隨鴻漸指而嘲曰鄭都官不愛之徒時時作隊贊
寧應聲曰秦始皇未坑之輩往往成羣時皆善捷對鴻
漸所道乃出鄭谷詩愛僧不愛紫衣僧也

六一詩話

歐陽文忠公爲舉子時客隨州秋試試左氏失之誣論
云石言於晉神降於莘內蛇鬪而外蛇傷新鬼大而故
鬼小主文以爲一場警策遂擢爲冠

避暑錄話

沈存中筆談說虞書夏擊鳴球搏拊琴瑟以詠謂鳴球
非可以夏擊也和之至詠之不足有時而至於夏且擊
琴瑟亦非可以搏拊也和之至詠之不足有時而至於
搏且拊所謂手舞足蹈而不知其然者若然則鳴球琴
瑟當不成聲何名爲樂乎觀詩新義云方叔率止鉦人
伐鼓鉦所以退而止鼓所以動而進方其動而進也鉦

宋四六話卷十二

十
海山仙館叢書

人亦奮而伐鼓則士勇於進可見矣夫鉦鼓各自有人
今使鉦人奮而伐鼓不幾於亂行乎此兩說自是一類
余嘗以其語戲作一聯云士勇而前致鼓鉦之亂擊樂
和之至合球瑟以無聲此亦可以一拊掌

陳善捫蝨新語

孫宜公薨以太子少傅致仕居於鄆一日置宴詩廳

仁宗

嘗賜詩刻石所居之廳壁上

語客曰自傳有言多少朱門鏤空宅主

人到老不會歸今老夫歸矣喜動于色復顧石守道諷

易離卦九三爻且曰樂以忘憂自得小人之樂歌而鼓

缶不興大耄之嗟公以淳德與學勸講禁中二十餘年

晚節勇退優游里中終始全德近世少匹 澠水燕談錄

四六格句須襯者相稱乃有上方爲造微蓋上四字以
喚下六字也此四六之格也前輩作謫樞密使張遜誥
云互置朋黨交巧是非具錦之詞遂彰於萋菲挈瓶之
智已極於滿盈丁晉公南遷作南岳齋疏文云補仲山
之袞曲盡于巧心和傅說之羹難調於衆口至曾子宣
謝宰相表曰方傷錦敗材之初奚堪於補袞况覆餗折
足之際何取於和羹此又妙矣傷錦敗材四字後漢傳
全語也 四六話

宋四六話卷十二

十一

海山仙館叢書

鄧潤甫撰龍興節祝壽詞用負黼衣憑玉几岑象求云
非所當用以祝壽陳述古草明堂赦文用奉詞紫宮語
犯俗嫌陳去非草朱勝非起復制用方宅大憂言事者
以爲事涉人君陳自明草右相制用昆命元龜倪正父
謂人臣不當用乞貼麻又腦詞用故國之有世臣雖有
孟子出處後來引用多以爲不祥事宜曰天生賢佐國
有世臣便無瑕疵矣詞臣草貴妃制用釐降二字侂胄
制用聖之清聖之和皆犯公論綦北海草吳玠制云陸
海神臯旣失秦川之利銅梁劍閣敢言蜀道之難辛炳

秦玠方屏翰四川乃云旣失秦川之利乞改正母使遠
方大將重以爲忌遂改秦川爲秦中德壽宮慶典吳挺
之客草賀表有揚命二字蘇熙之曰導揚末命此顧命
中語奈何用之張文潛謝表用我來自東彭汝霖謂表
用我字大無禮洪景盧草葉子昂制曰無以我公歸兮
大慰瞻儀之望本意用公歸之句指邦人而言也故云
瞻儀而當時疑之謂人君而稱臣爲我公楊文公嘗戒
門人爲文宜避俗語旣而公作表云德邁九皇門人鄭
叡曰未審何時得賣生菜公笑而易之開禧用兵詔諭

宋四六話卷十二

十二

海山仙館叢書

天下首聯云匹夫無不報之仇何其陋也劉炳草嘉王
制用烝烝孝友之風言者謂烝烝之語何自而出始誦
書者皆能知之命辭立意如是可乎汪彥章草赦書云
八世祖宗之澤豈汝能忘一時社稷之憂非子獲已議
者謂并道君數之不應曰祖宗信乎作文之難也辭學指南
東坡云世之對偶如紅生白熟手文脚色二對無復加

也侯鯖錄

余游儋耳謁姜唐佐唐佐不在見其母母迎笑食余櫝
榔余問母識蘇公否母曰識之然無奈好吟詩公嘗杖

而至問曰秀才何往我言入村落未還有包燈心紙公
以手拭開書滿紙囑曰秀才歸當示之余索讀之醉墨
欲傾曰張睢陽生猶罵賊嚼齒穿齦顏平原死不忘君

握拳透爪

冷齋夜話

坡谷同遊鳳池寺坡公舉對云張丞相之佳篇昔曾三
到山谷答云柳屯田之妙句那更重來時稱名對張丞
相詩云八十老翁無缺二字昔曾三到鳳池來坡云蓋取
諸此也獨醒雜志

錢穆父試賢良對策日晚東坡往迓其歸置酒相勞各

宋四六話卷十二

三

海山仙館叢書

舉令爲文穆父得傀儡除鎮南軍節度使制首句云具
官勤勞王家出入幕府東坡見此兩句大加歎賞蓋世
以傀儡起於王家也能改齋漫錄

燕邸萊洲洋川公家裝裱褫古今畫爲十冊東坡過之
因爲書籤仍題其後云高堂素壁無舒卷之勞明窓淨
几有坐臥之安洪邁夷堅志

錢塘關景仁子開爲檢官爲其下告訐郡守械之獄子

開弟子東徑往會稽告急於兵部侍郎汪彥章汪爲馳

書屬杭守事遂釋子開具啟謝汪未達而死子東爲致

之汪汪書其後曰解晏子之駢昔曾伸於賢者挂徐君
之劍今有感於斯文

夷堅志

後漢周澤爲太常清修時人爲之語曰一歲三百六十
日三百五十九日齋一日不齋醉如泥南史孔覲明曉
政事判決無壅衆爲之說曰孔公一月二十九日醉勝
他二十九日醒僕嘗效程子山作酒榜其間一聯云一
月二十有九日笑人世之太狂百年三萬六千觴容我
生之長醉

野客叢談

古人文章自應律度未以音韻爲主自沈約增崇韻學

宋四六話卷十二

十四
海山仙館叢書

其論文則曰欲使官羽相變低昂殊節若前有浮聲則
後須切響一篇之內音韻盡殊兩句之中輕重悉異妙
達此旨始可言文自後浮巧之語體制漸多如傍犯蹉
對假對雙聲疊韻之類詩又有正格偏格類例極多故
有二十四格十九圖四聲八病之類今畧舉數事如徐
陵云陪游馭婆騁纖腰於結風長樂鴛鴦奏後聲於度
曲又云厭長樂之疎鐘勞中宮之緩箭雖兩長樂意義
不同不爲重複此類爲傍犯如九歌蕙葳蒸兮蘭藉奠
桂酒兮椒漿當曰蒸蕙葳對奠桂酒今倒用之謂之蹉

對如自朱耶之狼狽致赤子之流離不惟赤對朱耶對
子兼狼狽流離乃獸名烏名如此之類皆爲假對

夢溪筆談

余童子端蒙鄙之樂平人由學省登紹興戊辰第幼學
已能文同里項氏極愛重之欲納爲婿其意未決一日
余來訪項謂曰偶得寫景句云杜宇一聲春晝永午夢
驚殘子能對否余應聲曰黃鸝百轉曉風清宿醒消盡

項大喜卽以女妻之

游宦紀聞

衡山有道人本書生棄家隱山中一旦入城市藥故人
忽見之怪其神氣清明問其何爲對曰佩蕙紉蘭已是

宋四六話卷十二

五

衡山仙館叢書

青山獨往採芝食柏終當白日上昇故人邀飲酒倏不
見

寓簡

唐語曰二十四考中書令謂汾陽王也而無其對或以
問平甫平甫應聲曰萬八千戶冠軍侯不惟對偶精切

其貴亦相當也

後山詩話

汪應辰十歲能詩游鄉校郡博士戲之曰韓愈十三而
能文今子奚若應辰答曰仲尼三千而論道惟公其然

宋史本傳

蕭燧未第時夢神人示以文書記其一聯云如火烈烈

玉石俱焚在冬青青松柏不改已而果符前事

宋史本傳

賈師憲八月八日生辰四方善頌者以數千計皆諂詞
藝語也郭應酉居安聲聲慢云捷書連畫甘雨灑通宵
新來喜沁堯眉許大擔當人間佛力須彌年年八月八
日長記他三月三時平生事想祇和天語不遣人知一
片閒心鶴外被乾坤繫定虹玉腰圍闔闔雲邊西風萬
籟吹齊歸舟更歸何處是天教家在蘇堤千千歲比曾
參多箇綵衣且侑以儷語云綵衣宰輔古無一品之曾
參袞服湖山今有半閒之姬旦所謂三月三日盞頌其

宋四六話卷十二

去 海山仙館叢書

蘋草坪之捷而歸舟乃舫齋名也

齊東野語

答杜仲高梅書云老態日見夏秋間病足延痛左腕嘗

作醮詞云四肢而三痛楚十日而九呻吟其况何知

攻媿

集

東坡曰世間之物未有無對者皆自然生成之象雖文

字之語但學者不思耳如因事當時爲之語曰劉蕡不

第我輩登科則其前有雍齒且俟吾屬何患太宗曰我

見魏徵常嫵媚則德宗乃曰人言盧杞似姦邪

冷齋夜話

寒山子詩如施家兩兒事出列子羊公鶴事出世說對

偶之工者青蠅白鶴黃籍白丁青蚨黃絹黃口白頭七

札五行綠熊席青鳳裘

困學紀聞

權載之問左氏云夏五之闕良入之占名對也

困學紀聞

天子居丹宸廷臣獻六箴此省題詩也白髮不愁身外事六么且聽醉中詞此律也二公之所以對者見之於

詩無非借數而已周以宗強賦故蒼籙之興起始諸姬而阜康東門種瓜詩青門無外事尺地足天涯二公之所以對者見於賦詩無非借數與器而已詩史以皇眷對紫宸曲詞以清風對紅雨或以青州從事對烏有先

宋四六話卷十二

七

海山仙館叢書

生或以披綿黃雀對通印子魚因朱耶之板蕩致赤子之流離談笑有鴻儒往來無白丁是皆老於文學而見於駢四儷六之間者自然假借使得好不知膾炙幾千萬口也嘗記陳季陸應行先生舉似作賦之法用高皇對小白

螢雪雜說

隋書卷之六十五

前輩謂今古文章無不可作對者如以不有君子其能

國乎對長為農夫以沒世矣以九州四海悉主悉臣對

億載萬年為父為母子試宏詞表有云有文事有武備

與神為謀無智名無勇功惟聖時克此四六集句真可

以爲戲笑東坡表啟樂語中有全句對皆得於自然遊
戲三昧非可以巧求也翟公異謝對衣金帶表云謂臣
有緇衣之宜做予又改以臣從大夫之後不可徒行其
爲越州以擅放稅降官謝表云豈若秦人坐視越人之
瘠旣安劉氏敢虞晁氏之危氣象渾厚亦可喜也寓簡

耿直之守京口復陳少陽之後曰如可贖兮百身猶將
宥之十世困學紀聞

東都之李清議扶之而有餘強秦之末壯士守之而不
足亶聰明而有作無作聰明由仁義以安行非行仁義

宋四六話卷十二

大 海山仙館叢書

困學紀聞

驢非驢馬非馬烏不烏鵲不鵲可以爲對傅景仁云烹
羊烹羔唯帶牛佩犢可對困學紀聞

迂齋樓公曰經句對經句如在武丁時作召公考惟汝
一德於今三年天維顯思民亦勞止有能奮庸爰立作
相經營四方飲御諸友之類固是天造地設若萬人留
田對三事就緒雖以史句對經句緣有氣勢所以不覺

辭學指南

對偶之佳者曰九州四海悉主悉臣億載萬年爲父爲

母平生能著幾兩屐長日惟消一局棋有文事有武備
無智名無勇功數點雨聲風約住一枝花影月移來柳
搖臺榭東風軟花壓欄杆春晝長勸君更盡一杯酒與
爾同消萬古愁天下三分明月夜揚州十里小紅樓梨
園子弟白髮新江州司馬青衫濕

浩然齋視聽鈔

古人好對偶被放翁用盡箒紙尾摸牀稜烈士壯
心狂奴故態下澤乘車上方請劍三空虛腹壘塊胸
手版有輿鬼子天公牀頭周易架上漢書温
卷熱官醉學究病維摩無事飲不平鳴乞米帖

宋四六話卷十二

九

海山仙館叢書

借車詩 麴道士楮先生 上偶天公長劍拄頤短
衣掩脛子午谷丁卯橋 洛陽二頃光範三書 酒
聖錢愚茶七椀稷三升 一彈指三折肱 天女散
花麻姑擲米 玉塵尾金裏蹄 虎頭雞肋 金鷄嘴
玉鹿盧 百衲琴雙鈎帖 藏經閣帖 讀書十紙上
樹千回 風漢醉侯 天愛酒地埋憂 一齒落二毛
侵 癡頑老叟 鏤翁 曲肱縱理 竹郎木客 百錢
掛杖一鐻隨身 百饗壘兩固棗 鍊炭勞薪 銅臭
飯香 笑爾輩愛吾廬 僧坐夏士防秋 塵尾清談

蠅頭細字曰巖下靄霧中花
唐夾寨楚成阜

劉克莊後村詩

四六駢儷於文章家爲至淺然上至朝廷命令詔冊下而縉紳之簡牋書祝無所不用則屬辭比事固宜警策精切使人讀之激昂諷味不厭乃爲得體姑摭前輩及近時綴緝工緻者十數聯以詒同志王元之擬李靖平突厥露布其敘頡利求降且復謀竄曰窮中餓虎暫爲掉尾之求韝上饑鷹終有背人之意蘄州上謝表曰宣室鬼神之問敢望生還茂陵封禪之書已期身後范文

宋四六話卷十二

三

海山仙館叢書

正公微時嘗冒姓朱及後歸本宗作啟曰志在逃秦入境遂稱于張祿名非霸越乘舟偶効於陶朱用范雎范蠡皆當家故事鄧潤甫行貴妃制曰關雎之得淑女無險詖私謁之心雞鳴之思賢妃有警戒相成之道紹聖中百僚請御正殿表曰皇矣上帝必臨下而觀四方大哉乾元當統天而始萬物東坡坤成節疏曰至哉坤元德既超於載籍養以天下福宜冠于古今慰國哀表曰大哉孔子之仁泣然流涕至矣顯宗之孝夢若平生謝賜帶馬表曰枯羸之質匪伊垂之而帶有餘斂退之心

非敢後也而馬不進王履道大燕樂語曰五百里采五
百里衛外包有截之區入千歲春入千歲秋上祝無疆
之壽除少宰余深制曰蓋四方其訓以無競維人必三
后協心而同底于道時并蔡京爲三相也執政以邊功
轉官詞曰惟皇天付予庶其在此率寧人有指敢弗于
從翟公巽行外國王加恩制曰宗祀明堂所以教諸侯
之孝大賚四海不敢遺小國之臣知越州日以擅發常
平倉米救荒降官謝表曰敢效秦人坐視越人之瘠旣
安劉氏理知晁氏之危孫仲益試詞科日代高麗國王

宋四六話卷十二

三

海山仙館叢書

謝賜燕樂表曰玉帛萬國干舞已格於七旬簫韶九成
肉味遽忘于三月又曰蕩蕩乎無能名雖莫見宮墻之
美欣欣然有喜色咸豫聞管籥之音自中書舍人知和
州旣壓境見任者拒不納以啟啓郡僚曰雖文書銜袖
大人不以爲疑然君命在門將軍爲之不受鄰郡不發
上供錢米受旨推究爲平亭其事鄰守馳啟來謝答之
曰包茅不入敢加問楚之師輔車相依自作全虞之計
汪彥章作靖康册康王文曰漢家之厄十世宜光武之
中興獻公之子九人惟重耳之尙在爲中書舍人試潭

州進士何烈卷子內稱臣及聖問不舉覺坐罷職謝表
曰謂子路使門人爲臣雖誠悖理而徐邈云酒中有聖
初亦何心又曰書馬者與尾而五常負譴憂網禽而去
面之三丞銜生賜宋齊愈坐于立諸臣狀中輒書張邦
昌字送御史臺責詞曰義重於生雖匹夫不可奪志士
失其守或一言幾于喪邦又曰眭孟五行之說豈所宜
言袁宏九錫之文茲焉安忍責張邦昌詞曰雖天奪其
衷坐愚至此然君異於器代置可乎知徽州其鄉郡也
謝啟曰城郭重來疑千里去家之鶴交遊半在或一時

宋四六話卷十二

三

海山仙館叢書

同隊之魚何倫除祕書少監未幾以口語出守卽謝啟
曰雲外三山風引舟而莫近海濱八月槎犯斗以空還
楊政除大尉湯岐公草制曰遠覽漢京傳楊氏者四世
近稽唐室書系表者七人謂楊震子秉秉子賜賜子彪
四世爲太尉李德裕辭太尉云國朝重惜此官二百年
間纔七人其用事精確如此蔣子禮邦右相王訥賀啟
曰早登黃閣獨見明公之妙年今得舊儒何憂左轄之
虛位皆用杜詩語扈聖登黃閣明公獨妙年左轄頻虛
位今年得舊儒亦可稱容齋三筆

予初登詞科再至臨安寓於三橋西沈亮功主簿之館
沈以予賢飯于外謂爲不便自取家饌日相供同年湯
丞相來訪扣旅食大槩具爲言之湯公笑曰主人亦賢
矣因戲出一語曰哀王孫而進食豈望報乎良久予應
之曰爲長者而折枝非不能也公大激賞而去汪聖錫
爲秘書少監每食罷會茶一同舍輒就枕不至及起亦
戲之曰宰予晝寢於予與何誅衆未有言汪曰有一對
雖於今事不切然却是一个出處云子貢方人夫我則
不暇同舍合詞稱美

容齋四筆

宋四六話卷十二

三

海山仙館叢書

對偶小技然亦非易事也前輩所載已多今擇所未書
而可喜者數聯於此爲多聞之一助義經六子良巽坎
兌震離周禮一書天地春秋冬夏龜從筮從卿士從
庶民從人相我相衆生相壽者相善待問者如撞鐘
小應小大應大措天下者猶置器安則安危則危左
氏公羊穀梁春秋三傳卦爻繫辭彖象大易一經五
刑之屬三千小過大過一門之聚百指家人同人水知
我春秋罪我春秋誰毀誰譽待以國士報以國士爲已
爲人紀信韓信假帝假王仲尼牟尼大聖大覺蟬

以翼鳴不啻若自其口出龍將角聽謂其不足於耳歟
司馬相如藺相如果相如否長孫無忌費無忌能無
忌乎西人有七情喜怒哀樂愛惡欲經存六藝詩書禮
樂易春秋九州既別冀堯青徐揚荆豫雍梁一道相
傳堯舜禹湯文武周孔孟正月六月七月十月之交
北風晨風凱風終風且暘孟軻好學師孔子之孫子
思文后興仁由太王以至王季張良借箸前籌恨不
食食其之肉陳平刻木爲女果能盲盲頓之圍下七
十二之齊城憑三寸舌退一百萬之秦寇用八千人

宋四六話卷十二

海

山仙館叢書

柴也愚參也魯師也僻顏氏其庶幾乎夷之清尹之任
惠之和孔子集大成也妙法法因因果寺金輪金剛

錢塘寺名

中和和豐豐樂樓銀杓銀甕

錢塘樂樓

鄒孟子吳孟

子寺人孟子一男一女一不男不女周宣王齊宣王司
馬宣王一君一臣一不君不臣調羹止渴梅全文武

之才學舞貧眠柳盡悲歡之態方丈四方方四丈南

北東西試場三試試三場經賦策論朝登箕子之峯

危如累卵夜宿丈人之館安若泰山觀音大士妙音

梵音海潮音諸相如來人相我相衆生相龍飛策士

狀元龍省元龍

度宗龍飛榜陳文龍爲廷魁胡躍龍爲省元

虎帳得人殿帥

虎步帥虎

時范文虎爲殿帥孫虎臣爲步帥

齊東野語

或傳富鄭公奉使遼國遼使者云蚤登箕子之峯危如

累卵答曰夜宿丈人之館安若泰山又曰酒如線因針

乃見富答曰餅如月遇食則缺

王連詩語

陳少常亞以滑稽著稱爲殿中丞日知嶺南恩州到任

作書與親舊曰使君之五馬雙旌名目而已螭螭之一

文兩個真實不虛又嘗曰生平得一對最親切者是紅

生對白熟也

張師正倦游雜錄

宋四六話卷十二

五

海山仙館叢書

熙寧新法行督責監司尤切兩浙路張覲王庭老潘良

器等因閱兵赴妓樂筵席侵夜皆黜責又因借同寮船

家人而坐計傭者有作絲鞋而坐剩利者降斥紛紛是

時孔嗣宗爲河北提點刑獄求分司而去嗣宗性滑稽

作啟事敘其意畧曰敝室數椽聊避風雨先疇二頃粗

足衣糧這回自在赴筵到處不妨聽樂倩得王郎伴舅

且免計傭賣了黑黍新絲不憂剩利益謂是也

東軒筆錄

彭乘爲翰林學士文章誥命尤爲可笑有邊帥乞朝覲

仁宗許其候秋涼卽途乘爲批答之詔曰當俟蕭蕭之

候爰興靡靡之行王琪性滑稽多所侮誚及乘死也琪
爲挽詞云最是蕭蕭句無人繼後風蓋謂是也

東軒筆錄

荆公禹王熙寧中同在相府一日同侍朝忽有蝨自荆
公襦領而上直緣其鬚上顧之笑公不自知也朝退禹
王指以告公公命從者去之禹王曰未可輕去輒獻一
言以頌蝨之功公曰如何禹王笑而應曰屢遊相鬚會
經御覽荆公亦爲之解頤

墨客揮犀

傅欽之作中丞言劉仲馮一日貢父逢之曰小姪何過
致起臺章欽之慚云也只三平二滿文字貢父熟視笑

宋四六話卷十二

美海山仙館叢書

曰七上八下人材

侯鯖錄

元符中止已日錫燕從臣命御新龍舟蔡元長忽墜於
金明池萬衆喧駭蔡得浮木憑出遂入次舍方一身淋
漓蔣穎叔喏公曰元長幸免瀟湘之溺蔡大笑答曰幾
同洛浦之游

無名氏有宋佳話

元符間宗室有以妾爲妻者因罷開府儀同三司及大
宗正職事蔡元長行詞曰旣上大宗之印復捐開府之
儀章申公謂曾子宣曰此語與手持金骨之朶身坐銀
交之椅何異曾復顧申公曰頃時記得是有行侍御史

詞頭云爰遷侍御之史不記得是誰申公顧許冲元曰
此是侍郎向日亂道會是時為樞密許為黃門也春清紀聞

滕達道未遇時與諸生講學於僧舍主僧出諸生夜盜
其犬而烹之事聞有司治其罪滕公為丐免守曰如能
為盜犬賦則將釋之滕公即口占其詞曰僧既無狀犬

誠可偷輟藍官之夜吠充絳帳之晨羞搏飯引來猶掉
續貂之尾索綯牽去驚回顧兔之頭守大笑即置不問

梁溪漫志

省試王射虎賦云講君子必爭之藝飾大人所變之皮

宋四六話卷十二

三 海山仙館叢書

貴老為其近於親賦云觀茲黃耆之狀類我嚴君之容

試官大喙談苑

陳郎中亞有滑稽雄聲有陋儒者貢所業舉止凡下陳
玩之曰試請口占盛業生曰某卷中有方地為輿賦誦

破題曰粵有大德其名曰坤陳應聲曰吾聞子此賦久
矣明非下句云非講經之座主乃傳法之沙門乎滿座

大笑湘山野錄

東坡嘗令門人輩作人不易物賦或人戲作一聯云伏

其几而升其堂曾非孔子龔其書而戴其帽未是蘇公

蓋元祐之初士大夫效東坡頂短簷高桶帽謂之子瞻
樣故云 王直方詩話

張乂延平人少負才入太學有聲爲節性齋長旣又爲
時中齋長其人眇少而好作爲動以苛禮律諸生同舍
多不平之莆田林叔弓亦輕浮之士也於是以其名字
作詩賦各一首嘲之其警聯云身材短少欠曹交六尺
之長腹內空虛乏劉乂一點之墨詩警句云中分爻兩
段風使十橫斜交上原無分人前強出些曲盡形容之
妙聞者絕倒又私試闕四門賦云想帝女下嬪大展親

宋四六話卷十二

天

海山仙館叢書

家之禮諒商均不肖幾成太子之遊天子之堂九尺云
假令晏子來朝莫窺其面縱使曹交入見僅露其頭顏
淵具體而微賦云博我以文約我以禮望之儼然道與
之貌天與之形眇乎小爾亦皆叔弓之所爲也 齊東野語

尤梁溪延之博洽工文與楊誠齋爲金石交淳熙中同
爲青宮寮采無日不相從二公皆善謔延之嘗曰有一
經句請祕監對曰楊氏爲我誠齋應曰尤物移人衆皆

歎其敏確 鶴林玉露

戚里高氏子選尙僞公主富貴鼎來僞主敗奪官不得

名其家一錢或戲之云向來都尉恰如彌勒下生時此
去人間又到如來喫粥處可一笑也

困學紀聞

沈丞相說爲樓貯書時禮佛其上人謂之五體投地之

樓以對秦檜一德格天之閣

程榮三柳軒雜識

御史臺儀凡御史上事一百日不言罷爲外官有御史

王平拜命垂滿百日而未言事同僚皆訝之或曰王端

公有待而發苟言之必大事也一日聞人劄子衆共偵

之乃彈御膳中有髮其彈詞曰是何穆若之容忽觀鬢

如之狀

墨客揮犀

宋四六話卷十二

三
海山仙館叢書

王嘉叟自洪倅召爲光祿丞李德遠亦召爲太常丞一

日相遇于景靈幙次李謂王曰見公告詞云其鑑月廩

仍褫身章謂通判借牙緋入朝則服綠又俸薄也王答

之曰亦見君告詞矣李曰云何曰具官李浩但知健羨

不揆孤寒旣名右相之名又字元樞之字蓋謂史丞相

張魏公也滿座大笑

老學庵筆記

蜀人任子淵好謔鄭宣撫剛中自蜀召歸其實秦會之

欲害之鄭公治蜀有惠政人猶覲其後來數日乃聞秦

氏之指人人太息衆中或曰鄭不來矣子淵對曰秦少

恩哉人稱其敢言

老學庵筆記

會有秀才因盜絹被執以試賦獲免其警對云窺其戶

而聞其無人心乎愛矣見其利而忘其有義卷而懷之

墨客揮犀

有士人誤中秋賦求人作謝啟或戲與一對云蓮花裏

點燈偶然而已草屋上失火茅著可知

俟鯖錄

嶺南僻遠之地有驛名翠嵐往來宿者多飼馬於堂上

驛吏諫諭不聽乃題小詩於壁以譏之曰犬馬本非堂

上物莫言驛舍暫經過大都人畜須分別不禁鶯聲可

宋四六話卷十二

三
海山仙館叢書

奈何鶯聲之喻蓋昔人曾有為驢喫牡丹賦云展似鐵

之雙蹄驚回蝶夢聳如船之兩耳不聽鶯聲驛吏之意

出於此

墨客揮犀

先大父官會稽時儀椽謝某疎雋尙氣好直言而士曹

王某者挾勢險傲恨謝不下已譖於太守將誣按致之

深文先大父爲辨白得免猶以公罪罰俸謝至簽廳掀

髯自若而士曹者以進奉王黼得賜緋魚同日受命誇

炫甚喜因謝曰謝儀椽之刑書薄乎云爾謝應聲曰王

士曹之章服赤也何如自通守下數十人無不絕倒

三柳

軒雜

寧廟朝高文虎知貢舉以天子大采朝日爲賦題試貢士而舉人困厄者衆學舍者歎怨後文虎因作西湖放生池碑誤引故實及上殿墮笏失儀兩學齋舍裒金作絲帳贈教禽戲技人趙十一郎寓意以譏之其中有云鼠猴搢笏而不失其儀士有所愧禽鳥認書而咸知所

出人反不如

張仲文白獺誌

會稽有富人馬生以入粟得官號馬殿幹喜賓客有姬美艷能歌時出佐酒客有梁縣丞者頗黠因與之目成

宋四六話卷十二

三

海山仙館叢書

一旦馬生殂姬出梁捐金得之它日置酒觴客陳無損益之在座酒酣舉杯屬梁曰有僮語奉上梁諦聽之卽琅然高唱曰昔居殿幹之家爰喪其馬今入縣丞之室毋逝我梁一坐大呼笑而主人憮然不樂未幾梁亦死焉人尤無損之謔戲然聞者亦可以警也

齊東野語

郭拙字景初泉州人少有才學而性甚輕脫嘗夜出爲醉人所誣太守詰其情狀拙笑曰諺所謂張公喫酒李公喫者乃拙是也太守怪其言不屈命取紙筆使作張公喫酒李公醉賦一首拙操紙立就其畧云事有不可

測人當防未然何張公之飲也乃李老之醉焉清河丈
人方肆杯盤之樂隴西公子俄遭酩酊之愆太守見而
大笑乃釋之 墨客揮犀

08757

宋四六話卷十二

三

海山仙館叢書

08780

大宋氏對之 墨客揮犀

宋四六話卷十二 終

